

永樂大典

卷二千二百六十
四

永樂大典

卷二二六四

永樂大典卷之二千二百六十四

六模

湖 西湖

唐白居易詩湖上春行 孤山寺北古亭西。水面初平雲腳低。幾處早鶯爭暖曙。誰家新燕啄春泥。亂花漸欲迷人眼。淺草纔能沒馬蹄。最恨湖東行不足。綠楊陰裏白沙堤。湖上春來古畫圖。群峯圍繞水平鋪。松排山面千重翠。月點波心一顆珠。碧毯線頭抽早稻。青羅裙帶展新蒲。未能拋得杭州去。一半勾留是此湖。湖亭夜歸 盡日湖亭卧。心閒事亦稀。起因殘醉醒。坐待晚涼歸。松雨飄藤帽。江風透葛衣。柳堤行不厭。沙艇絮霏霏。湖上夜飲 郊外迎人月。湖邊醒酒風。誰留使臣飲。紅燭在舟中。湖中白照 重重照影看容鬢。不見朱顏見白絲。失却少年無覓處。泥他湖水欲何爲。湖上招客送春泛舟 欲送殘春招酒伴。家中誰最有風清。兩瓶若下初求得。一曲霓裳始教成。排比管絃行翠袖。指麾船舫點紅旌。慢牽好向湖心去。恰似菱花鏡上行。西湖留別 征途行色慘風煙。祖帳離聲咽管絃。翠黛不須留五馬。皇恩只許住三年。綠藤陰下鋪歌席。

永樂大典卷二千二百六十四

一

紅藕花中泊妓船。處處回頭盡堪戀。就中難別是湖邊。早春西湖閑遊。悵然興懷。憶與微之同賞。因思在越官重事。殷鏡湖之遊。或恐未暇。偶成十八韻寄微之。上馬復呼賓。湖邊景氣新。管絃三數事。騎從十餘人。立換登山屐。行携漉酒巾。逢花看當妓。遇草坐爲茵。西日籠黃柳。東風蕩白蘋。小橋裝鴈齒。輕浪斲魚鱗。畫舫牽徐轉。銀船酌慢巡。野情遺世累。醉態任天真。彼此年將老。平生分最親。高天從所願。遠地得爲鄰。雲樹分三驛。煙波限一津。翻嗟寸步隔。却厭尺書頻。浙右稱雄鎮。山陰委重臣。貴垂長紫綬。榮駕大朱輪。出動刀槍隊。歸生道路塵。鴛鴦多易散。鷓鴣怕鼓難。馴百吏瞻相面。千夫捧擁身。自然閑興少。應負鏡湖春。元稹詩。酬樂天早春閑遊西湖頗多野趣。恨不得與微之同賞。因思在越官重事。殷鏡湖之遊。或恐未暇。因成十八韻見寄。樂天前篇到時。適余亦宴鏡湖南亭。因述目前所睹。以成酬答。末章亦示暇誠。則勢使之然。亦欲粗爲恬之贈耳。浙江時作。鴈思欲迴賓。風聲乍變新。各携紅粉妓。俱伴紫垣人。水面波疑殺。山腰虹音降似巾。柳條黃大帶。菱葉綠文茵。雲盡纔通屐。汀寒未有蘋。向陽偏曠羽。依岸少游鱗。浦嶼崢嶸到。林園次第巡。墨池憐嗜學。丹井羨登真。逸少星池伴。川舟井岸遊。越中。其。其。雅歎遊方盛。聊非意所親。白頭辭北闕。滄海

是東鄰。問俗煩江界。蒐畋想渭津。故交音訊少。歸夢往來頻。獨喜同門舊。皆為別郡臣。三刀連地軸。一葦礙車輪。尚阻青天霧。空勝白玉塵。龍因彫字識。犬為送書馴。勝事無窮境。流年有限身。懶將閑氣力。爭闘野塘春。宋百納詩同友遊西湖 露濃烟重草萋萋。選勝逢君叙解携。靈隱寺前天竺後。孤山路北賈亭西。風生湖面波初動。春入城陰柳漸低。往事悠悠成浩歎。王孫猶自醉如泥。吳融詩蘇岐下題西湖 送夏迎秋幾醉來。不堪行色被蟬催。身隨渭水看歸遠。夢往秦雲約自迴。雨細若為拋釣艇。月明誰復上歌臺。千波萬浪西風急。更為紅蕖把一杯。朱慶餘詩送唐中丞開潤西湖。夏日遊泛。因書示郡人 萍岸新潤見碧霄。中流相去忽成遙。空餘孤嶼來詩景。無復橫槎礙柳條。紅旆路幽山翠濕。錦帆風起浪花飄。共知浸潤同雷澤。何慮川源有旱苗。方玄英詩侯郎中新置西湖 遠近利民因智力。周迴潤物像心源。孤蒲縱感生成惠。鱸鮓那知廣大恩。激澗清輝吞半郭。縈紆別派入遙村。砂泉遠石通山脈。岸木粘萍是浪痕。已見澄來連鏡底。兼知極處浸雲根。波濤不起時方泰。舟楫徐行日易昏。烟霧未應藏島嶼。鳧鷖亦解避旌幡。雖云桃李歌還醉。却被荷花笑不言。孤鶴必應思鳳詔。一作召九魚豈合在龍門。能將盛事添元化。一夕機謀萬古存。

永樂大典卷三十一百六十四

二

李紳詩重別西湖東去。日前別湖中雙鷓鴣。鷓鴣翠早梅等三題及西來。則鷓鴣鷓鴣翠悉皆翔矣。梅衰秋葉重起前數耳。浦邊梅葉看凋落。波上雙禽去寂寥。吹管曲傳花易失。織文機學羽難飄。雪欺春早摧芳萼。隼勵秋深拂翠翹。繁豔彩毛無處所。盡成愁歎別容橋。宋歐陽文忠公集西湖戲作示同遊者。一作初泛 萬首香清 一作綠更紅 蓮盡舸浮使君寧 一作不復憶揚州。都將二十四橋月。換得西湖十項秋。元憲公集閏三月再到西湖花卉已過。春餘夏早景物亦佳。因復留連日夕忘返。再來湖上已春殘。物物隨時亦強歡。紫葉袖荷疑弄素。翠皮包竹好裁冠。鷺鏡野鷺移沙渚。貪餌鮮鱗薦客盤。盡日臨流忘吏事。須知名世六條寬。重展西湖作二首 綠鴨東陂已可憐。更因雲實注西田。鑿開魚鳥忘情地。展盡江河極目天。向夕舊灘都沒月。過寒新樹便留煙。使君直欲稱漁叟。願賜閑州不計年。又 西北雲波逗異津。兩陂相合到城闌。橋橫斷岸繞通舫。路轉新洲不踏塵。倒影剌容霞底日。暖光平展鑑中春。催頰病守時無用。堪與鷓鴣作主人。新歲雪霽到西湖作三首 新年城曲坐溪臺。客霰初收晚凍開。無限禽聲兼柳意。欲催春色過湖來。又 水華煙態壓回汀。衰客無情亦有情。芳草不須綠短夢。一番新綠滿塘生。又 閑拂苔

磯弄釣綸。幽懷先賞。濕灘春。沙鷗似未知余意。驚舞時時。錯避人。程明道
先生集西湖。吳水橋邊鴨子陂。樓臺只在郡城西。煙波乍見。心先快。鳥
喚將尋路欲迷。盡日無風。橫舴艋。有時經雨。飲虹霓。如何咫尺塵埃地。能
使遊人意不齊。蔡端明集寒食西湖。山前雨氣曉。繞水際。風光翠欲
流。盡日旌旗停曲岸。滿潭鉦鼓競飛舟。浮來煙鳥。疑相就。引去沙禽。好自
由。歸騎不合歌吹。數萬枝燈燭。度花樓。四月清明西湖。千頃平湖綠
一遭。空城遊樂自倉豪。畫船爭勝飛江鷁。翠幟都浮。戴海鼇。芳草堤邊裙
帶短。柔柔陌上。髻鬟高。樓前盡日。聞歌笑。不啻秋風。卷怒濤。西湖湖
上山光一笋青。佛官高下。裏窩扁。煙杖水曲。開壺匣。春送人家。入畫屏。竹
氣更清。初霽雨。梅英猶細。欲殘星。吳勳越棹。知何處。柳拂長堤。月滿汀。景
文公集上春晦日到西湖呈轉運叔文學士。春偏西湖上。湖濱綠勝醅。
鷺魚迎瀨躍。聞鴨擁波來。柳已綠。煙重。花仍赴暖開。側汀煙媚。籜。卧石水
街苔。岸轉橫杠度。川窮飲舫回。暗浮蠶。幸役。閑立鷺。毳毳。野畔平如芥。林
蹊潤不埃。光浮好雲日。影倒靜樓臺。山色未晴。露霞容著。暝催。溪行凡幾
曲。恨乏昔人才。憶與唐公西湖。紅鮮高下。照橫溪。勃宰含情。欲上隄。
手攬。細莖。那忍折。戲魚長在葉東西。荷花深處。放舟行。棹觸荷珠。碎又
成。莫道使君。迷醉曲。分明忍得。採蓮聲。時席上唱漁家傲。予省是臨川公
荷花曹又古樂府有採蓮曲。使君迷。西湖席上呈張學士。野菊班班
岸蓼紅。使旗同駐。賞秋風。斜陽更助。憑欄勝。高下樓臺。波影中。林和靖詩
西湖。混元神巧。本無形。匠出西湖。作畫屏。春水淨於僧眼碧。晚山濃似
佛頭青。菜蘆粉堵。搖魚影。蘭杜煙叢。閣鷺翎。往往鳴榔。與橫笛。斜風細雨
不堪聽。泛舟入靈隱。水天相映。淡漱溶。隔水青山。無數重。白鳥背人
秋自速。蒼煙和樹。晚來濃。桐廬道次七里瀨。彭蠡湖間五老峯。鞭棹遶回
歸。未得。上方。稽舍。動疎鐘。西湖晚歸。水痕秋落。蟹螯肥。閒過黃公酒
舍。歸魚。覺船行。沉葦岸。犬聞人語。出柴扉。蒼山半帶寒雲。重丹葉。疎分夕
照微。却憶青溪。謝太傅。當時未解。惜蓑衣。西湖獨泛。水氣并山影。蒼
萍已作秋。林深喜見。寺岸靜。惜移舟。疎葦先寒折。殘虹帶夕收。吾廬在何
處。歸興起。漁謳。西湖泛雪。浩蕩迷空闊。霏霏接水濱。舟移忽自却。山
近未全分。凍軫閑清泛。溫鍾得薄熏。悠悠詠招隱。何許。數離群。湖上初
春偶作。梅花開盡。臘亦盡。晴暖便如寒。食天。春色半歸湖岸寺。人家多
上郭。門船。支離相並。映短葦。翠激欲生浮。嫩煙。幾處酒旗。山影下。細風時
已弄繁絃。湖樓寫望。湖水混空碧。凭欄凝睇。夕寒山翠重。秋靜鳥

行高。遠意徑千里。浮生輕一毫。叢林數未徧。杳靄隔漁初。和謝秘校西
湖馬上。未裏湖山極目春。據鞍時此避埃塵。蒼蒼煙樹悠悠水。除却王
維少畫人。湖上晚歸。卧枕船舷歸思清。望中潭影是蓬瀛。橋橫水木
已秋色。寺倚雲峯更晚晴。翠羽漁飛如見避。紅渠香藕似相迎。依稀漸近
誅茅地。雞犬林籬隱隱聲。西湖春日。爭得才如杜牧之。試來湖上輒
題詩。春煙寺院敲茶鼓。夕照樓臺卓酒旗。濃吐雜芳薰嫩巧。漁飛雙翠破
漣漪。人間幸有萊蕪笠。且上漁舟作釣師。酬畫師西湖春望。笛聲風
暖野梅香。湖上凭欄日漸長。一樣樓臺圍佛寺。十分煙雨羨漁鄉。鷓鴣殘
蔣多成陣。柳映危橋未著行。終約吾師惜芳草。靜吟閑步岸華陽。劉公是
先生集。晚過西湖。日暮無興適。緩帶此消搖。湖光悅我心。步上西城橋。
速煙被林莽。樓閣隱岩峯。歸鳥先後飛。夕風正飄飄。悵然念速渚。興盡復
行謔。劉放彭城集。晚過西湖。落日微雨好。浮雲近水多。空濛亂林樹。涵
泳著星河。賞極興不盡。跡歸心更過。猶須明月夜。濯足弄金波。泛舟西
湖二首。靡豐蘋洋合。賓綠島嶼深。操舟非有術。鑿水會清心。老樹成重
蓋。初荷散萬簪。名園皆有主。費日試幽尋。懶意適自強。舊游疑觸新。如
從剡溪客。忽悟武陵人。鍾鳴高下寺。漁樵來去津。涼風水雲合。天半是魚

永樂大典卷三十五

四

鱗。西湖獨行。畫橋未闌水東西。柳帶花稍聳復低。欲上扁舟還借問。
此中時有晉人迷。梅聖俞宛陵集。休韻和馬都官春日憶西湖。寄陸生
時望前湖倚玉梯。雲山橫絕路東西。只知迷日窮芳草。不見高人在曲隄。
畫槳尋春應醉去。舊朋懷昔欲魂迷。海邊燕子啼無數。願託雙飛寄短題。
王德言夏日西湖晚步十韻次而和之。雨餘殘照在塘靜。獨行行荷
積水珠。重天杖寬。軟輕倦禽依卧柳。聚蚓埽坳。淋帽側林枝。礙。棠寨野蔓
繁。芡韜。客利。蒲刀水秋驚。泱泱流泉活。濛濛夕霧平。榴房生露落。蛛網
害蟲成。坎壈無時怒。潭魚自樂清。高臺從獸窟。古道有根橫。寫景未能就。
娟娟月上城。同諸韓及孫曼叔晚遊西湖三首。晚日城頭落。輕絳竹
下涼。野風嚼水沫。舟子刺菱蕒。木老識秋氣。徑幽聞草香。幅巾聊去檢。不
作楚人狂。燦電未成雨。涼風先入衣。青天忽開影。紅日尚餘輝。蛺蝶作
團起。蜻蛚相戴飛。嘲諠不覺久。跨馬月中歸。舟中演蒲意不淺。却坐林
塘景欲昏。翠色蜻蛚立。菱葉青絲腰。表秣城根。興道損仲文于華陪泛
西湖。冰消湖已綠。渺渺鴨頭春。船學吳兒剡。吟稀楚老新。對山恰去鳥。
隔樹識遊人。誰念滄江上。風柔採白蘋。李復滴水集。晚至西湖。物意秋凄。
若有愁思。遂作湖水歎。岷山中斷泚水來。分入西湖浸城址。一落城陰

永樂大典

卷二二六四

不復回。餘波日轉。阜蘭尾陰。風淒冽寒氣早。愁霧慘澹。遠思起。誰言秋水
澹無情。默觀意亦有怨喜。天軒地闕。滄溟開。百川東奔如激矢。龜龍受職
日夜趨。萬折必東。効臣子。發源本願。盈科進。葉防豈期因坎止。日升不及
浴雲龍。泥濶空能養萑蒿。停波寂寞。雖無語。物情得失。應如此。淮陰野外
乞餘食。留侯地下。收墜履。當年或失龍準翁。冷落功名千古耻。我欲鳩工
聚長紳。齊平決堤如決紙。直看驚滿萬里潮。免嗟窮澗千山底。送客至
西湖。湖亭獨徃客初歸。春去春來盡不知。新竹出梢纔放箨。斷浦經雨
別生枝。山寒藏雪生雲澹。風送飛鷗過水遲。却笑偷閑得忙事。自尋鄰叟
問釣絲。黃亞夫。伐檀集次韻和雪霽遊西湖。雪會遊人意。元朝變物華。
醉挪銀作界。詩客上高家。魚影紋水靨。禽蹤篆霞沙。餘英恐消盡。日斷夕
陽霞。張子野集次韻清明日西湖。新火飛煙上柳梢。天供好景助詩豪。
江湖一處逢嘉月。溟海同時得巨鼈。白水更隨春雨長。青雲不及畫樓高。
千橈挿羽聲聲動。十里驚雷奪暮濤。次韻蔡君謨侍郎寒食西湖。飛
飛盡。織繞花洲。霖雨浮花出岸流。誰廣金明為水戰。自來銀漢有寬舟。紫
旌真入東寬舟。吹蕭於銀河之上。行從使節春尤盛。住買吳山老未由。人
遲歸軒香接路。一分新月管絃樓。九月望日同君謨侍郎泛西湖夜飲

永樂大典卷二二六四

五

清歌曲曲酒巡巡。一舉金蕉五十分。未府生者四人。山影與天都在水。
風光為月不留雲。節四路口千門待。樂過湖心四岸聞。莫笑閑官奉歡席。
自來蒿艾近蘭薰。鄭鄞鄭溪集憶泛西湖。四面青山紫繡圍。平湖萬頃
碧羅衣。風搖酒面金鱗活。月弄波光玉篆飛。醉客半眠紅燭下。畫船行唱
採蓮歸。十年衣袖遮塵土。惆悵飛雲滿翠微。蘇東坡詩次韻仲殊雪中遊
西湖。夜半幽夢覺。稍聞竹葉聲。起續凍折絃。後曰。實為詩。生開西林集。
凍折兩三絃。為鼓一再行。後曰。漢書司馬相如飲車氏所。臨卽今諸家果
相。如解謝為鼓一再行。曲行天自明。玉樓已崢嶸。懷有二三子。落筆先飛
雲。師曰。雪花。謂之雲。見韓詩外傳。共為竹林會。師曰。阮籍。山濤。向秀。對會。
阮咸。王戎。嵇康。為竹林會。次公曰。遊西湖者。豈合有七人乎。身與孤鴻
輕。秀語出寒餓。身窮詩乃亨。師曰。歐陽永叔作梅聖俞詩序云。非詩能窮
人。始窮者。而後上之。禪老復何為。笑指孤煙生。我獨念聚者。誰與予日成。
後曰。詩如此。聚者。何次公曰。楚詞。大司命云。滿堂兮美人。忽獨與予兮日
成。又。寶雲樓閣闌干門。師曰。寶雲寺名。林靜初無一鳥喧。閉戶莫教
風掃地。卷簾疑有月臨軒。水光激灩猶浮碧。山色空濛已斂昏。乞得湯休
奇絕句。次公曰。湯休。以九竹林。宋僧惠休。姓湯氏。有詩名于世。始知鹽絮

是陳言。續曰。謝安內集謂于姪曰。白雪紛紛何所似。兄子朗曰。撒鹽空中

差可擬。道暹曰。木末杪葉因風起。懷西湖。寄晁美叔同年。先卿曰。石端

秀。西湖天下景。遊者無愚賢。淺深隨所得。誰能識其全。嗟我本狂直。早

為世所捐。獨專山水樂。付與寧非天。三百六十寺。幽尋遂窮年。于仁曰。李

白詩。幽尋事隨去。所至得其妙。心知口難傳。至今清夜夢。耳目餘芳鮮。君

持使者節。風采爍雲煙。清流與碧巖。安肯為君妍。胡不屏騎從。高日歐陽

永叔游石于湖詩云。使君厭騎從。半馬留山前。暫借僧榻眠。讀我壁間詩。

清流洗煩煎。策杖無道路。直造意所便。應逢古漁父。帶間自負綠。續曰。莊

子漁父篇。載漁父之士孔子也。曰。黃絲葦間。問道若有得。買魚莫論錢。

東坡連日與王忠玉。張全翁游西湖訪北山清順道潛二詩僧登垂雲亭

飲。參寥泉。最後過唐州陳使君夜飲。忠玉有詩。次韻答之。北山非自高。

千仞付我足。西湖亦何有。萬象生我目。雲深人在塢。風靜響應谷。與君皆

無心。信步行看竹。竹間逢詩鳴。次公曰。韓愈送孟東野序云。東野始以其

詩鳴。今以言二詩僧也。眼色奪湖淶。百篇成俯仰。二老相追逐。次公曰。二

老指言王忠玉張全翁也。故應千頃池。養此一雙鶴。山高路已斷。亭小勝

屢促。夜尋三尺井。次翁曰。三尺井。指言參寥泉也。渴飲半甌玉。明朝開絲

永樂大典卷三千五百

六

管寒食雜歌。使君坐無聊。狂客來不速。于仁曰。見周易載酒有鴟夷。續

曰。楊雄酒箴。鴟夷滑稽腹如大壺。蓋日盛酒。人復借清。常為國器。此於禽

鳥。扣門非啄木。次公曰。唐人詩云。開閨啄木鳥。疑是打門僧。浮蛆澆金罍。

翠羽出華屋。須臾使陳迹。後曰。王羲之云。俯仰之間。已為陳迹。覺夢那可

續。及君未度江。過我勸東燭。次公曰。晉語有五馬浮渡江。又古詩。何不東

燭遊。一笑換人爵。後曰。孟子備其天爵。而人爵從之。百年終鬼錄。厚曰。魏

文帝書有曰。觀其姓名。已為鬼錄。又春來濯濯江邊柳。秋後離離湖

上花。不羨千金買歌舞。三篇珠玉是生涯。又西湖戲作。信民曰。詩文發

源云。杭有西湖。而類亦有西湖。皆為遊賞之勝。東坡連守二州。其到類。有

謝執政答云。入參兩集。再貼北扉之榮。出典二邦。輒為西湖之長。一士

千金未易償。次公曰。于真曰。軍長千金。無失士心。則一士比千金為多矣。

我從陳越兩歐陽。舉鞭拍手笑山簡。續曰。李白襄陽歌。襄陽小兒弄拍手。

欄街爭唱白銅鞮。路人苦問笑何事。笑殺山翁醉似泥。祗有荊州一萬樓。

厚曰。昔山簡傳。郡民有佳園池。簡每出嬉遊。多之池上置酒。輒醉。名曰高

陽池。時有兒童歌曰。山公出何許。往至高陽池。日夕倒載歸。酩酊無所知。

時時能騎馬。倒著白接羅。舉鞭向馬揮。何如荊州兒。夜泛西湖五絕。

新月生魄迹未安。次公曰。杜甫初月詩。影斜輪未安。鏡破五六漸盤桓。今夜吐艷如半璧。次公曰。盧仝詩。是夕吐艷如長虹。又云初露半圓璧。漸吐
滿輪魄。游人得向三更看。三更向闌月漸垂。欲落未落景特奇。明朝人
事誰料得。李曰。武元衡詩。無因駐清景。日出事遲生。看到蒼龍西沒時。次
公曰。蒼龍角亢之七宿。夜半而沒。蒼龍已沒。牛斗橫。東方芒角昇長庚。
次公曰。曹子建詩。斗沒參橫。又詩云。東有啓明。西有長庚。漁人收筒及未
曉。船過惟有菰蒲聲。坡曰。湖上菰蒲。皆漁釣者也。菰蒲無邊水茫茫。荷
花夜開風露香。漸見燈明出遠寺。更待月黑看湖光。湖光非鬼亦非仙。
風恬浪靜光滿川。須臾兩兩入寺去。就視不見空茫然。次韻劉景文。周
次元。寒食同遊西湖。絮飛春城不成年。次公曰。杜詩。一片花飛減却春。
俾曰。丘原見庭中花落。謂友人曰。飛此一片。減却春色。不趁行鷁。復待
何時耶。老境同乘下瀨船。次公曰。漢武帝起。看下瀨將軍。而注。引伍子胥
書。有下瀨船。藍尾忽驚新火後。坡曰。樂天寒食詩。三杯藍尾酒。一椀膠牙
餠。遊頭要及浣花前。坡曰。成都太守自正月十日。出遊。至四月十九日。浣
花乃止。山西老將詩。無敵。次公曰。以言劉景文。前漢贊云。山西出將。洛下
書生語更妍。次公曰。以言周次元。謝安傳云。能為洛下書生詠。共向北山

永樂大典卷三十一書

尋二士。次公曰。二士。言首順道者也。老所曰。魏僧法惠。法給。遊學北山。
餘習三藏。靈跡異事。世皆先聞。世號曰。北山二聖。畫梳。畫鼓。聒清眠。次
韻曹子方運判。雪中同遊西湖。詞源艷艷波頭唇。俾曰。隋文善傳曰。華
有餘力。詞無清源。清唱一聲。巖谷滿。未容雪積。句先高。豈獨湖關心自遠。
品先曰。陶淵明。心遠地自偏。雲山已作歌眉淺。山下碧流清似眼。樽前有
酒。只新詩。何異書魚。餐露簡。和蔡準。郎中。邀遊西湖。夏潦漲湖深更
幽。西風落木芙蓉秋。飛雪暗天雲拂地。新瀉出水柳映洲。湖上四時看不
足。惟有人生飄若浮。解顏一笑豈易得。主人有酒君應留。君不見。錢塘遊
宦客。朝推囚。暮決獄。不因人喚何時休。城市不識江湖幽。如與螻蛄語
春秋。試令江湖處城市。却似麋鹿遊汀洲。高人無心無不可。得坎且止乘
流浮。公卿故舊留不得。遇所得意終年留。君不見。魏官彭澤令。琴無絃。中
有酒。醉欲眠。時遣客休。田間決水鳴幽。幽。挿秧未過麥。已秋。相携燒葑
苦竹寺。脚下路。藕荷花洲。船頭斫鮮細。縷縷。船尾炊玉香浮。浮。臨風飽食
得甘寐。肯使細故。留中留。君不見。莊士。憔悴時。飢謀食。渴謀飲。功名有時
無罷休。飲湖上。初晴後雨。朝曦迎客艷重罔。晚雨留人入醉鄉。此意
自佳。君不會。一杯當屬水仙王。水光激灩晴方好。山色空濛雨亦奇。欲

把西湖比西子。淡粧濃抹總相宜。去杭州十五年。復游西湖。我識南
屏金鯽魚。重木撫檻散齋餘。還從舊社得心印。似省前生覓手書。對合平
湖大蕪漫。人經豐歲尚凋跡。誰憐寂寞高常侍。老去狂歌憶孟諸。沈諫
議約遊西湖。明日得雙蓮於北山。沈和小詩因用其韻。湖上棠陰手自
栽。問公更得幾回來。水仙亦恐公歸去。故遣雙蓮一夜開。詔書行捧屨
金陵。樂府應歌相府蓮。莫忘今年花發處。西湖西畔北山前。湖上同遊
古飲。喜逢門外白衣人。欲會湖中赤玉鱗。遊舫乍粧吳榜穩。舞衫初試
越羅新。欲將魚釣追黃帽。未要靴刀抹絳巾。芳意十分強半在。爲君先踏
水邊春。早到湖上。二令先在。城頭月落尚啼烏。烏榜紅舳早滿湖。鼓
吹未容迎五馬。水雲先已颺雙鳧。映山黃帽蜻頭舫。夾道青煙鵲尾爐。老
病逢春只思睡。獨求僧榻寄須臾。次韻劉景文西湖席上。二老長身
屹兩峯。常撞大呂應黃鐘。將辭鄴下劉公幹。却見雲間陸士龍。白髮隣君
略相似。青山許我定相從。吾今官已六百碩。慙愧當年那更容。與莫同
年雨中飲湖上。到處相逢是偶然。夢中相對各華顛。運來一醉西湖雨。
不見跳珠十五年。司馬溫公傳家集西湖。佳麗三吳國。湖光滂日華。魚
驚動蘋菜。鷺喜掠楊花。雲過山腰黑。風驅雨脚斜。煙波遙盡處。擘篋見漁

永樂大典卷三言六

八

家蘇魏公集次韻蘇子瞻學士臘日遊西湖。臘日不飲獨遊湖。如此清
尚他人無。唱酬嘉句如連珠。况復同好相應呼。君常聽事嗟罪孥。雖在樂
國猶寡娛。是社稷臣魯頌史。直道自任心不紆。最愛靈山之僧廬。彼二惠
者清名孤。素上梵夾床龍鬚。爐銷都梁饌。伊蒲潔行白。欲敦薄夫長吟擁
褐忘。昕瞻坐客不設禮。旣罷對境如看方輿圖。君懷經濟才有餘。名聲歎
孽懲。顏遂且來山林尋適適。更玩四營兼參蓐。次韻奉酬發判呂殿丞
燕集西湖。江海爲藩地絕塵。湖山尋勝坐邀賓。銷除祥暑忘三伏。追憶
曾遊隔五春。極望林巒橫紫翠。旋供肴核剝清鱗。常時欲到喧囂阻。偶得
相倍似宿因。王沂公喜延賓客。嘗與一道人清話甚大。公曰。予居嘗苦少
暇。今得相倍於日。無事亦似宿昔。因錄耳。西湖。椒澤疎源勢不休。遠
城冰玉湛寒流。鳧鷖容與菰蒲亂。出得江湖一望秋。遺風集范晞文詩春
日遊湖。湖邊多少遊湖者。半在斷橋煙雨間。盡逐春風看歌舞。幾人著
眼到青山。僧惠洪冷齋集東坡元愛西湖。其詩曰。若把西湖比西子。淡粧
濃抹總相宜。余宿孤山下讀林和靖詩。句句皆西湖寫去。時天姿自然。不
施鉛華爾。作詩書其壁云。長愛東坡眼不枯。解將西子比西湖。先生詩
妙真如畫。爲作春寒水墨圖。白雨遊多索阿陵峻嶺。略見西湖秀色。月

永樂大典

卷二二六四

和靖語作長短句云。山徑晚樵還。深壑得顏孫。山背後泊船看。手把遺編披白帽。剝却清閑。蕪落竹叢寒。漁業凋殘。水痕無底照秋寬。好在夕陽凝睇處。數葦秋山。陳后山詩西湖。小徑才容足。列子曰。春且乃立木為塗。僅可容足。張湛注云。燒得去脚。寒花只自香。老杜詩。寒花只自香。官池下鳧鴈。老杜有官池。春鴈詩。漢昭帝紀。黃鵠下建章宮太液池中。文選劉公幹詩。方塘含白水。有鳧與雁。荒塚上牛羊。古樂府曰。今日牛羊上丘隴。有子吾甘老。東坡詩。有子萬事足。老杜詩。吾老甘貧病。無家去未量。老杜詩。無家問消息。作客在乾中。三年哦五字。草木借光輝。老杜詩。惟別借輝光。趙清獻公集陪前人遊西湖兼簡坐客。愁管喧喧擁畫船。澄瀾上下照紅蓮。一樽各盡十分酒。四老共成三百年。北闕音書休憶念。西湖風物且留連。杭民天道焚香看。白髮朱顏長壽仙。再用前韻。共泛湖光范蠡船。待杯歡客倒金蓮。此時朋契偕行樂。何日君恩許引年。照水暗知華髮改。倚樓高興紫雲連。妾車感暑盤桓好。况是人間一散仙。次韻前人懷西湖之遊。昔時唐毅預英雄。今獨湖山幸會逢。謫宦青錢曾萬選。諸林希承恩。白手是三公。謂趙紫龍山我念經年別。虎榜君曾昔日同。老守七章還印綬。俞音朝暮出宸衷。張舜民畫墁集和邵倅王正夫大夫遊西湖。雨過花開一郡忙。紫微山影照湖光。東風不費舟船力。暖日能添羅綺香。已拚今朝須盡醉。預愁明日又辭鄉。飽聞馮翊無花草。唯有城頭至樂堂。蘇頌演集游西湖。閉門不出十年久。湖上重遊一夢回。行過閭閻爭問訊。忽逢魚鳥亦驚猜。情可憐。舉目非吾黨。誰與開樽共一盃。歸去無言掩屏卧。古人時向夢中來。文同丹湖集憶西湖舊遊。西湖晴碧晚溶溶。與客常來坐好風。記得有人歌小玉。月明猶在畫船中。和子山陪使君遊西湖三首。柳色遠環金粉明。湖光浮岸玉煙輕。風柔日薄恰新霽。正好訪春來此行。遊騎翩翩從使君。娛賓亭上宴西曛。座中不用頻辭酒。明日青春已一分。滿眼垂楊照綠波。就中春意此先多。不將歌管酬佳景。擬索翠漪堂上何。又西湖。丞相淹回地。光容滿落暉。池塘存舊臺。城郭數前非。煙靄陰晴出。鳧鷗遠近歸。松風殊有意。猶欲下金徽。曾文清公詩次韻陳普山正字社日同遊西湖。昔在兒童歲。湖山入眼新。只今餘白髮。何以報青春。日暖繁遊子。年豐樂社神。諸公勤載酒。四事每參辰。鬢髮垂頰白。塵埃迎面紅。相從林下寺。一洗水邊風。寫物詩無敵。編愁酒有功。夕陽應更好。可惜在城中。彭汝礪鄱陽集西湖。篇章蕪漫不中看。誤得先生一解顏。明日何為投暗室。陽春不意在窮山。平時借以齒牙

論今日見之眉睫間。自笑鴛鴦為計拙。誰知鴻雁及時還。范純仁詩秋晴
 思西湖寄少師。樓閣參差霜葉紅。湖光秋色畫圖中。移船影動波心見。
 橫笛聲隨水面風。當日席間先醉客。如今塞上獨衰翁。思君情緒兼歸興。
 暗逐汾川日夜東。和王樂道西湖席上。春湖景物畫圖中。朱閣偏宜
 翠柳籠。上客縱談鬚雪白。催人醉舞臉舒紅。鋪張錦綉花邊日。堆疊琉璃
 水面風。民俗歡遊魚鳥樂。主人才合代天工。西湖四時曲。白鷺文鴛
 鴦裏飛。紅橋朱閣影參差。疎林密雪皆堪賞。不特尋芳避暑時。萬頃琉
 璃變翠鱗。日邊風暖物華新。千花草進人路。應謂臺中別有春。深堂
 高閣啓清風。弄泛荷香柳影中。日月待公消暑飲。官無拘檢是琳宮。持國
 微之。皆領崇福官。夕陽照水晚登樓。皎月涵波夜泛舟。珍重前賢開展
 意。中年長領守開州。守相詩。願賜開州不計年。陳了齋集送致政郊丈赴
 張杭州西湖之約。丈人八十身尤健。心似閑雲恣舒卷。故人邀作武林
 遊。孝舟不道江湖遠。澄波萬頃冲融間。塵埃洗盡光陰閑。登臨不倦謝太
 傅。好與共尋隱外山。梵刹琳宮繞飛閣。靄色嵐光日參錯。遙岑併入眼中
 來。却愛清秋有怪落。酒價在逐秋風高。一倒百壺詩正豪。潮落潮生幾人
 老。我獨世界如鴻毛。興未即是煙波客。興盡欲歸歸便得。疎中藜杖日相

水樂大典卷字音字

十

隨。不許征途有南北。天南天北屢經過。不獨丈人清興多。欲棹小舟同一
 醉。手邊朱墨奈忙何。張紫微先生集次韻石用之春晴遊西湖。春晴結
 客出城隅。無數僧坊論給孤。紅貼馬蹄花底路。綠籠船背柳邊湖。道遠各
 自從鵬鷁。斷續寧須較鶴龜。端立一丘為老計。移文何謝北山逋。鄒道卿
 詩戲舜俞遊西湖。湖光收盡只芙蓉。決昔飛來白鳥孤。相見城南葛藤
 老。又將心境示妻孥。蘇邁斜川集與范箕叟避暑西湖。快哉楚王風。庶
 人安得共。西陂浩無價。不計吾儕用。永日不可養。窮居厭塵闕。出門有佳
 語。咫尺窺潭洞。危樓俯木杪。大厦森高棟。戶牖交梧楸。滄荷接蘋蕒。閑持
 枕。單往遽起江湖憂。醒然涼肺腑。習習吹衣動。世間賤易得。清風誰與重。
 勞生不自覺。至樂那容衆。北憲與君享。世網念少縱。肉食固肥甘。輕塵沒
 飛鞚。次韻晁無斁與葉少蘊重開西湖唱酬之詩。鑿開北渚漲痕枯。
 倚杖波吞立鷺洲。稍覺蒹葭相與秋。直疑汴泗看交流。壽公且吸五中月。
 清夜頻移鑑裏舟。雖走蓬萊通帝籍。邪人且欲寇公留。危構飛空舊真
 輪。澄光爽氣壓城闌。下臨曲水山陰楔。不障西風庾亮塵。擬擬江南入圖
 畫。只憑詩匠掃蕪墟。少陵有句真堪詠。翠竹江村月色新。自分組纒畢
 此生。不須窮達問君平。黃巢正與夢俱熟。環堵真無費欲清。晚客強陪金

谷侶。小詩聊學候蟲鳴。空懷老驥心千里。憔悴窮途敢頓纓。范石湖大全
集次韻會客湖上。西湖水泮綠生鱗。料峭春風欲惱人。花片不禁寒食
雨。鬢絲猶帶湧金春。江山契闊詩情在。京洛追隨客夢新。喚取歌聲逐愁
思。爲看流水引盃頻。次韻韓無咎石司工已泛湖。日吉辰良不待晴。
徑稱閒客此閒行。春衫欺雨任他冷。病眼得山元自明。抹黛濃嵐圍坐晚。
綠藍新綠沒蒿清。栖鴉未到催歸去。想被東風笑薄情。六月十五泛西
湖。風月溫麗。暮棹金龜潭。追隨金夕涼。波紋挾月影。搖蕩舞船窓。夜火
四山高。松桂黯以蒼。長煙界巖腹。浮空餘劍芒。禪夫三弄笛。跳魚翻素光。
我亦醉夢驚。解纜濯滄浪。多情羨渠風。湖湖吹鬢霜。會心有奇賞。天涯此
何方。清潤不立塵。空明滿生香。過情難久留。俛仰墮渺茫。葛立方歸愚集
八月二十日。與館中同舍。遊西湖作。飽紫坐蝸舍。秋光只蒼楹。懸知西
湖佳。頗困官事嬰。今日復何日。綵舟天外橫。木落山骨露。千螺倒澄瀟。神
仙勿浪求。玉京仍五城。繫舟孤山脚。曳杖聊意行。三賢已仙去。丹青儼
南榮。由來作詩苦。鼎峙太庾生。碑板摘奇韻。銀鈞出金聲。湖山久寂寥。誰
能作斯人。跨馬綠楊堤。左右臨無地。鞭影墮清泚。烏帽入蒼翠。老龍擎
半空。九里作青吹。聞聲類擊竹。心與景相值。許由厭瓢鳴。渠未領真意。

下馬冷泉亭。聽此丹壑幽。泓澄聚玉磔。半畝如潑油。巖岫起三椽。轟雷濺
濤頭。向來澄止面。怒沫喧山丘。莫作動靜觀。止性元不流。天竺古浮屠。
孤雲一鳥徑。去天真尺五。峻步欲乘興。石壁半空立。略約引危巉。山底禽
銜花。石鐫僧入定。請從三昧起。林外有疎簷。不障庾公塵。那有劉興臆。
堂堂七丈夫。草木一臭味。躡攀亦云足。賞適興猶未。却呼三翼舟。擊汰舞
綉翠。葦蒲紛已掃。奩鑑瑩新刺。持此壽諸公。空缸一沉醉。萬元承詩謝韓
次公趙獻可跋西湖約出入韻。渺渺錢塘路。相携秋色新。馬蹄沙尾雨。
舟楫渡頭雲。世道已非古。交情此是真。羈栖正愁絕。得爾張吾軍。袁宮
講飲西湖時。花試臨去。重吟坡老芳。鮮句飲客西湖半醉中。一段風光
帶秋色。瘦荷疎柳嫩芙蓉。又西湖。年年春色客中看。不管今年行路
難。行到西湖春正好。萬重楊柳傍欄干。楊柳芙蓉舊日栽。近來堂宇更
安排。湖光接得全天趣。莫道遊人鼓吹來。又四月八月。永嘉盧子高。醜
西湖。速近山光濃淡中。晚雲零亂越湖風。飛來幾點浴佛雨。濕住楊花
粘落紅。漢濱先生集同諸鄉人泛臨安西湖。短棹夷猶處。湖平酒滿腸。
荷深迷去路。波淺滄歸航。落日山頭暗。西風水面涼。今朝一尊共。相對恍
江鄉。王之道相山集次韻同年蔡仲平察院遊西湖。朝日不受暮。晴光

似暉暉。忽然快我心。清風爲解圍。坐見九里松。旌幢碧相依。天竺了在望。上有祥雲微。西湖一千頃。圓荷覆青衣。輕舟競遊覽。往往俗客稀。幸及新雨霽。欣逢露初晞。水光與山色。高低映郊畿。佳哉氣蔥鬱。觀闕何巍巍。誰云門庭遠。咫尺承天威。諸公羊後傑。高論玉塵揮。載酒肯且多。不醉無庸歸。餘歡到獻酢。滌滌雙鶩飛。新詩爛錦段。想見勞心機。願我雖百拙。續貂重相違。明年若重來。種種當如樊。次韻畢少董游西湖 西湖春晚未全熱。湖上山光互明滅。往來冠蓋競駢闐。斷續笙簫共伊咽。我憐湖山山見憐。波間湧出佳人細。太真一去不復返。圓荷萬點照脂錢。船頭美眇珠的皪。不必洞房深處覓。忽然相值更相呼。嫩藍衫子山爭碧。勝斷騷人一軸詩。細看煙柳想腰肢。明年我亦西湖去。遲日光風二月時。西湖遊次韻趙見燭 山鎮在越澤。在吳。東南形勢憑江湖。不知弱水竟何處。恍若員嶠連方壺。海門潮至飛雲湧。天竺雨過送青紆。十年不見看愈好。正復妙筆那能圖。蒼松搖風翠蓋偃。芳草藉地柔茵鋪。僧合朝遊忘登覽。酒樓夕醉爭歌呼。竭來倪仰春又曉。對花無語空長吁。作詩既非拙者事。強欲寫書編澤蒲。偉哉得志佐明主。進退百辟稱鴻儒。應憐伺候奔走策。終日趑趄仍囁嚅。周紫芝大倉稊米集間 西湖梅盡桃花已有開者 不到西

永樂大典卷三言古

三

湖忽換年。今朝欲掛杖頭錢。催成柳色遽如許。落盡梅花寂可憐。日日湖邊踏淺沙。西湖久住已成家。劉郎去後空腸斷。憶着玄都觀裏花。西湖月夜 月到中天火未流。水邊風露已含愁。問誰乞取西湖角。紅藕花中着釣舟。吳中小女結烟鬟。自打青腰唱採蓮。欲趁歌聲過南浦。藕花深處不通船。湖天無盡月如霜。露濕荷花別是香。何處漁郎解吹笛。並頭驚起兩鴛鴦。次韻林梅卿 西湖載酒時僕以病不赴 西湖豈復是人間。竹輿瀛洲學士閑。百榼蒲傾桑落酒。兩高聊作道家山。一年春事方三月。萬里烽煙散八蠻。白髮可憐秋病枕。蘭舟空想棹歌船。次韻張元明 司邊郎中遊西湖 二君講同年之好。有此遊 十里春波翠染衣。小尋魚鳥共追隨。船頭風急何妨醉。湖上山多盡入詩。藜杖偶來飛絮裏。盧鞭猶憶看花時。兩公人物如連壁。同上金鑿亦未遲。三月二十日。同遊西湖。諸公有詩。次韻 水繞青山寺。人攜白玉觴。晴春方爛熳。醉眼自微茫。舟穩欺風軟。杯深送日長。誰家載歌管。紅袖立斜陽。喻良能香山集 二月二十四日。楊廷秀郎中諸文約遊西湖。余以小疾不至。分韻得子字 都城西頭二月尾。湖水平堤殺紋起。南北山光盡畫中。淺深草色裙腰裏。群仙領客泛餘艎。黃帽劈波驚睡鯉。中流刺談聞兩岸。闌坐題詩動盈紙。如

永樂大典

卷二二六四

澆自足醉朋從。餘瀝猶能需走史。當年曲水迹已陳。此日漢陂歡莫擬。蹇子小疾獨不至。詩伯索詩殊未已。筆已老矣何能為。但誦西湖比西子。次韻楊廷秀郎中。游西湖十絕。湖波萬頃瀉溶銀。妙句群能欠李紳。鏡影緩隨紅蓼岸。荷香細著白楡巾。蕭蕭竹迳相通幽。小剎明窓滄若旣。夏木陰陰可人處。黃鸝飛上碧枝頭。裝園亭榭水之濱。草樹雲煙滿目橫。盡日對山仍把酒。茲游絕勝若耶行。與世從來寂關跡。年來况復味潛虛。漆園不啻濠梁樂。人自人兮魚自魚。憶昔孤山和靖家。風光霽月總輸他。幾多水草連煙草。無限蘋花雜藕花。誰云騎馬似乘船。搖拽中流即水仙。香繡幾屏波底影。煙梢千幅望中天。湖堤樓閣劇蜂房。樓上爭看湖上航。萬柄芙蓉清冉冉。臨風新折麝麟香。一時談笑總名流。十里西湖滿意游。熱醉側身窺翡翠。狂歌左手把蝓蟬。祥暑渾如深甌炊。涼颼一餉寂先知。憑誰為覓丹青手。畫我談詩剡艾時。湖邊幽勝滿青蓮。到處時時泊畫船。竟日漣漪吟不足。欲歸重看水中天。丙午仲春。西湖舟中作。春陰將近一百六。絮擘晴雲新雨足。煙邊芳草碧如茵。蘿畔海棠紅映肉。相携逗曉出城西。城西風景如杜曲。兩岸雲中卷畫濃。一湖春水蒲萄綠。坐中豪俊雜吳蜀。磊落群書紛拄腹。掀髯一笑浪波間。淋漓

永樂大典卷二二六四

七

衣袂尋碁局。他年想像此風流。應作生綃圖一幅。韓元吉南澗集西湖絕句戲題。淺白深紅幾樹花。波光浮動竹交斜。休來詩思清人骨。知是西湖虞士家。流水當塔山對門。擬尋茅屋住荒村。誰憐九里松間路。猶有人間市井喧。人道西湖一曲屏。只應真色畫難成。柳堤竹塢無窮意。更着荷花百媚生。孫燭湖先生集。趙唐柳邊游西湖。即席賦十二韻。春風客皇州。積雨不得晴。倚樓望西湖。想見煙水平。芳時諒難負。勝侶欣來并。杖藜一蕭散。喚船弄空明。浮雲為我開。好鳥為我鳴。青山次第出。桃李正鮮榮。華屋何煌煌。縹緲連重城。都人競時節。酒舫各斜橫。而我得舒眺。緬然起深情。風景自千古。擾擾何所營。大鈞實愛物。無使可憐生。堯民保同樂。吾其獲歸耕。和李季章校書西湖即事三首。風日都門外。樓臺十萬家。西湖春事足。不話洛陽花。舴艋填芳渚。鞦韆鬧粉牆。人爭桃李節。吾憶藕花涼。忽忽清明了。能餘幾許春。花開更風雨。腸斷惜春人。獨出視。早初行。邑西湖。雙湖帶山郭。三歲甫來過。獵獵葭蘆老。飛飛鴻雁多。晨暉明野樹。晚思渺煙波。懷我孤山下。歸歟具一蓑。杭都西湖十年身不到西湖。把酒臨風省故吾。萬里山川發天巧。三朝官苑富皇都。漢橋無處尋君後。詩帳令人憶大蘇。尚許蕭然壺外客。小舟終日卧冰壺。李

壁為湖集遊西湖分韻得樓字 深居獨癡生。愁聽鶉鴉啼。起尋塵外游。
 綠陰已遠。嗟。得舟泛湖去。萬頃青玻璃。天風振雲杪。飛步凌丹梯。同遊金
 玉人。曠蕩連阮嵇。更偷江鮑思。傑句競吐霓。劉侯冥鴻侶。松菊思故樓。豈
 為稻梁謀。如彼鳧與鷺。雄之永今夕。勝遊共攀躋。行將著清班。奇字從君
 稽。沙上翩翩兩白鷗。西風想見美荷秋。晚來十幅水純淨。斷取滿湘一
 片愁。郭印雲漢集和張方回西湖 房公巧裁植。花發四時春。有竹能環
 水。無風不動蘋。人亡留粉像。客至謝紅塵。梅柳年年色。相看白髮新。叢
 篁深翳景。草木未知春。晴漏林間日。寒生水上蘋。紫紵通遠徑。寂歷遠巖
 塵。更渡長橋去。無邊物色新。洪文安公小隱集憶西湖 憶昔西湖上。芳
 醪手自斟。龜游低美亂。魚闌小萍沉。意遠山猶迥。心清水共深。三秋未許
 見。聊向夢中尋。趙蕃詩伯玉夜過。因談西湖石筍峯舊遊。月初三日韻
 相識欣佳士。常談厭老生。湖山遊息處。風月笑言情。豈但沈痾愈。能令老
 眼明。無嫌數呼喚。政爾一般兄。西湖雪後 行到湖邊却筍輿。眼中渾
 似畫屏紆。梅花又作臨風笑。亦有高人似舊無。王灼願堂集長孺幼女作西
 湖之遊。不以告某。與元受。明日二公有詩。元受率次韻 滿城撲面戰黃
 塵。躑躅故尋湖上春。千項煙波初弄日。四年魚鳥恰知人。二公孫會四年

永樂大典卷之三

古

矣。有時覽勝緣。搜句無術驅愁。但飲醉。可笑山王今不數。散表索寞走天
 津。初到西湖 西湖聲價甲天下。夢想平生初識之。十里重鞭興多恨。
 不及見渠全盛時。古來三百六十寺。蒼入頽基草木荒。解作高人無盡
 供。只餘山色與湖光。曾華詩西湖二月二十日 平生拙人事。出走臨東
 藩。紛此獄訟地。欣乘刀筆閑。漾舟明湖上。清鏡照衰顏。春風隨我來。掃盡
 冰雪積。花開滿北渚。水淥到南山。魚鳥自翔泳。白雲時往還。吾亦樂吾樂。
 放懷天地間。顧視彼夸者。錙銖何足言。西湖二首 左符千里走東方。
 喜有西湖六月涼。塞上馬蹄終反覆。暮山鷓飽正飛揚。懶宜魚鳥心常靜。
 老覺詩書味更長。行到平橋初見日。滿川風露葉荷香。又 湖面平隨
 葦岸長。碧天垂影入清光。一川風露荷花曉。六月蓬瀛燕子涼。滄海得浮
 成曠。蕩明河。棹上更微茫。一作洋何須辛苦求人外。自有仙鄉在水鄉。胡
 銓滄庵集小西湖 沙鷗無數作羣眠。亂行繁風翠帶牽。波靜不憂無帶
 榜。心清聊漑不毛田。湖邊日日枕流眠。却笑風波百丈牽。無限煙光堪
 我老。不須投杖乞歸田。林季仲竹軒集蕭德起諸人約遊西湖。小疾不赴。
 倚杖矍然一病老。羨君聯騎出西湖。若逢佳處能相憶。寄與新詩作畫
 圖。曾勛松隱集題董亭道畫西湖 湖上秋山翠作堆。湖光千頃漾連漪。

曉雲貼水菰蒲冷。正是吳江楓落時。陳審學裏詩和蘇子瞻。通判在告見寄。郊原芳意動遊人。湖上晴波見躍鱗。閒逐牙旗千騎速。暗驚梅萼萬枝新。尋僧每拂題詩壁。邀客仍將瀝酒中。寄語文園何所苦。且來相伴一行春。和子瞻沿牒京口。憶西湖寒食出遊見寄。乞得湖山養病身。花時曾共憶行春。嚶鳴幽鳥還遷木。鶯沸清泉復采芹。皂蓋尋芳丘有李。練樓觀戲巷無人。錦袍公子歸何晚。獨念溝中菜色民。時子瞻沿牒陳濟中湖。民。春陰漠漠鶯飛飛。可惜春光與子違。半嶺煙霞紅袖入。滿湖風月畫船歸。維望一闌人何在。遼鶴重來事已非。猶憶去年題別處。烏啼花落客沾衣。僧參寥子詩秋。日西湖六首。兩山斜抱翠逶迤。一水中間似淡陂。孤榜獨來還獨往。鸛鷓鷓鷓莫相疑。瑤然一葉墮空庭。似喚幽人夢欲醒。斜倚東屏翠翠慢。沈香煙吐博山青。南山爽氣對朝扉。竹露吹風更濕衣。可是吟魂怯清景。何妨著履步苔磯。飛來雙鷺落寒汀。秋水無痕玉鏡清。疎蓼黃蘆直掩映。沙邊危立太分明。欲跨高樓曠遠情。無端秋雨苦冥冥。崢嶸日脚漏雲處。瞥見遙山一抹青。西湖夜半捲庭槐。卧聽鄰翁晚圃開。稚子相呼入林去。應知病葉落莓苔。同蘇文鏡主簿西湖夜泛。鳳唳山頭暮靄空。月娥飛出廣寒宮。初登桂檝橫湖去。似

永樂大典卷二千五百四

去

覺銀河有路通。掠草飛螢星點點。眠沙宿鷺玉叢叢。從來江總文多妙。請付毫端刻畫中。趙僧道詩秋。日泛西湖。湖光山色共爭秋。一點塵埃無覓處。沉沉水底見青天。春盡何直疑天上。香泛湖晚歸。日脚掩西山。四面煙光起。片月落湖心。照破琉璃髓。水面天光闊。孤煙暝不收。休瞻一鈎月。往起旅人愁。劉景文詩西湖泛舟呈東坡。西湖春意勝當年。公領笙簫泛畫船。錦綉一林生水面。衣冠萬堵立山前。仁恩在物禽魚遂喜氣。隨入草木妍。半醉插花風調別。寫真須是李龍眠。趙忠簡公詩和鄭有功遊西湖二首。放舟越淮楚。更作三吳遊。高餘龜亭傳。敢動鄉邦愁。湖山自清絕。鑑中螺髻浮。况復得夫子。一笑忘幽憂。時時作清言。中有湖山秋。却念無家客。坎止而乘流。何當與俱歸。歲晚鄰一丘。晚覺身名謬悠悠。定孰親。却回若水棹。來看武林春。避地將安往。尋山莫厭頻。百錢挑竹杖。雲外踏嶙峋。高孝靖公詩留題西湖。朱簾白舫亂湖光。隔岸龍舟艤夕陽。今日催遊復明日。便將京洛看錢塘。見魏鶴山。高菊圃詩西湖暮歸。風荷百頃占連漪。煙樹溟濛乳鴨飛。買斷小舟休喚客。暗穿萍葉載詩歸。西湖雜興二首。城中無處聽蟬鳴。短策輕鞋晚出城。行到柳陰松影下。恰繞聞得兩三聲。十三樓寺朝餐飯。六一泉亭晚詠歌。坐斷竹風無

暑氣乳禽鳴處綠陰多。憶西湖。西湖春二月。結客少年遊駿馬黃金
勒。長身紫綺裘。愛花論塔買。嗜酒滿船浮。兩載綠何事。台州又越州。曾蘭
墅詩西湖夜景。閒窻放入四山青。古篆無煙氣自清。風不鳴條花著露。
一湖春月萬蛙聲。姜白石詩湖上寓居。湖上風恬月澹時。卧看雲影入
玻璃。輕舟忽向牕邊過。搖動青蘆一兩枝。處處虛堂望眼寬。荷花荷葉
過欄干。遊人去後無歌鼓。白水青山生晚寒。魏了翁詩頌客泛西湖客賦
詩次韻。鳴鞘踏月大堤長。鼓柁穿雲落日黃。十里青漪菱草蕩。四山紅
雨杏花岡。客從民氣覩春事。人在杖頭看艷陽。長使舟平風色好。世間何
處有羊腸。楊誠齋詩西湖雨中泛舟坐上二十人。用遲日江山麗四句。分
韻賦詩。余得融字云。正月一度遊玉壺。二月一度遊真珠。是時新霽曉
光初。西湖獻狀無遺餘。君王予告作寒食。來看孤山海棠色。海棠落盡孤
山空。湖山摹糊眼中黑。夜來三更湖月明。奉仙下墮嬉珠庭。東坡和靖相
先後。李成郭熙在左右。惠崇捧硯大如箕。大年落筆疾如飛。唐墨為雲灑
為雨。湖波掀舞山傾欹。畫作西湖煙雨障。今晨掛在孤山上。同來諸彦文
章公。不數錢起兼吳融。何如上船一舉百分滿。一笑千峯煙雨散。游西
湖。蘇公隄遠柳生煙。和靖園深竹映關。船入菱荷香處去。人從雲水國

永樂大典卷三千五百

去

中還。似寒如暖清和存。欲雨翻晴頃刻間。能為遂養老仙伯。一杯痛快吸
湖山。泛舟賞荷。鳳城魚鱗曉開銀。國子先生領緝紳。山水光中金鑿
落。芙蓉香裏萬頭巾。小步深登野寺幽。古松將影入茶甌。鈴聲忽起九
天半。有塔危峯最上頭。岸岸園亭傍水濱。紫園飛入水心橫。傍人莫問
游何許。只揀荷花鬧處行。船開便與世塵疎。飄若乘風度太虛。坐上偶
然遺餅餌。波間無數出龜魚。西湖舊屬野人家。今屬天家不屬他。水月
亭前且楊柳。集芳園下儘荷花。小泛西湖六月船。船中人即水中仙。外
鋪雲錦千弓地。中度琉璃百摺天。城中橋上買蓮房。未抵西湖泛野航。
騰折荷花剝蓮子。露為風味月為香。故人京尹利風流。走送厨珍佐勝
游。青李林禽沈去冬。水雪黃金白玉斫。蟠蟠。人間暑氣正如炊。上了湖
船便不知。湖上四時無不好。就中最說藕花時。游盡西湖賞盡蓮。玉壺
落日泊樓船。莫嫌當處荷花少。剝展湖光幾鏡天。誠齋同君俞季永步
至普濟寺。晚泛西湖以歸。得三絕句。閣日微陰不擬晴。杖藜小倦且須
行。湖山有意留僕款。約束疎鐘未要聲。煙艇橫斜柳港灣。雲山出沒柳
行間。登山得似遊湖好。却是湖心看盡山。西湖雖老為人容。不必花時
十里紅。卷取郭熙真水墨。枯荷新葦小霜風。曲曲都城綠草微。鱗鱗湖

永樂大典

卷二二六四

浪動斜暉。天寒日暮。遊人少。兩岸輕舟。星散歸。庚戌正月三日。約同舍
 游西湖。不到西湖。又兩年。西湖風物。故依然。道傍松檜。俱無恙。笑我重
 來。雪滿巔。春光欲動。意猶遲。未許游人。浪見伊。只有梅花。藏不得。隔籬
 穿竹。出橫枝。黃金勝。揭集芳園。只隔牆頭。便是天。西母雲車。寒未降。鶯
 兒作意。辨新年。南北高峯。巧避人。旋生雲霧。半腰橫。縱然遮得。青蒼面
 玉塔。雙尖分外明。下竺泉。從上竺來。前波後浪。緊相催。泉聲似說。西湖
 好。流到西湖。不要回。補種杉松。運已成。泥乾塵淨。政堪行。草芽併作。傷
 心碧。只欠先生。夜子聲。上竺諸峯。深復深。一重一掩。翠為衿。只言人跡
 無來路。動地鐘聲。與梵音。家家砌下。過清泉。寺寺雲邊。占碧山。走馬來
 看。已心醒。更教選勝。住中間。樹生石上。土全無。只見青蒼。不見枯。好在
 冷泉亭下水。為渠憑檻。數游魚。開住清泉。似鏡平。開開奔浪。作潮聲。放
 開一板。還收去。依舊穿沙。繞石行。胡仲弓。策杖漫游。葉西湖。懷古。水拍
 平堤。欲蕪天。濯纓人在。小橋邊。古今塵迹。知多少。滄海桑田。幾變遷。駝獸
 魚名。無竹馬。孤山衣鉢。有梅傳。誰能撰取。西湖傳。待到玉皇。香案前。晚
 過西湖。獨坐過湖船。涼生欲暮。天鷗眠。汀草亂。魚躍浪花圓。足迹煙霞
 外。吟聲風月邊。萬緣無所欠。只欠買山錢。春日過西湖。百花如錦柳

永樂大典卷二二六四

七

如綿。粒點西湖。二月天。便道過從。來四聖。扁舟騎祝。訪三賢。錢塘門外。蘇
 隄上。豐樂樓前。芝寺遙。箇裏萬般。俱索價。惟餘風月。不論錢。初名乃新冠
 初入京時作也。今附於此。表起巖東塘。集和魏。南伯縣丞。寒食西湖韻
 紅塵久壓人。湖山猛從事。巾車出西關。觸目飽幽致。聊從吸鯨飲。發我湧
 泉思。松鳴雷絲竹。山看勝肉味。愛此天地寬。無復名利觀。淡粧與濃抹。晴
 雨蓋一類。車馬幾馳逐。簪珥頗遺棄。稍出鷓鴣行。來與鷗鳥。緜歸來燈火
 近。忽枉珠玉。遺三復。已醒然。製藏有中筭。春日懷錢塘西湖。只今春
 色滿皇州。料得西湖。已縱游。出郭競。照城下騎。尋段同上柳邊舟。恨無兩
 翼。從渠去。曾有諸公。念我不。到底長安。風物外。遠方何敢。詫遠頭。和董
 顯之留西湖韻。開門喜得。故人音。訪我浮生。一秣亭。老大區區。驚歲月
 功名。落落負簪纓。有誰知。已頭空白。舉世如君。眼獨青。羨子百篇。詩在手。
 湖山相望。不勝情。和忠父于先生西湖韻。先生擺脫。世間緣。老去猶
 堪。十萬錢。氣節向來。後歷意。風流今識。詠梅篇。飽聞東閣。掄材久。未許西
 湖對客。眠聖主。如天懷。謹論。只今此席。為君前。玉初寮。集湖山紀遊。吳
 山東南秀。蔥鬱盤帝城。西湖據其趾。御氣通波心。餘膏被草木。蔚眼皆欣
 榮。今晨天宇。穆惠風。汎初晴。春色正妍妙。放懷共揚。舲中流。入汗漫。曠闊無

埃氛。湖光挾山綠。倒射玻璃青。綠竹響空翠。樓觀森崢嶸。獻酬雜歌嘯。爛
 熳紛醉醒。取樂固其並。興懷一何深。緬惟昔三賢。精美日以沉。但餘畫像
 在。尚想鳴佩襟。希古東微尚。崇雅懣恬情。老于醫蓬履。無復企組纒。滄泊
 自有得。榮華非所欣。舍舟縱散策。送興生峻嶒。白雲引遐眺。碧岫延深登。
 幽期浩無涯。忽到靜者門。長松有令姿。流水無俗聲。絕磴猿可呼。出谷鶯
 始鳴。乃知物外境。茲象本不驚。逝耶初無將。至耶亦無迎。便將謝塵鞅。茲
 焉反顏齡。山鴉接晚翅。落日催行勝。歸歟賦新篇。聊復記吾曾。汪元量湖
 山類聚西湖舊夢。向高峯對北高峯。十里荷花九里松。煙雨樓臺僧占
 了。西湖風月屬吾儂。如此湖山正好嬉。遊人船上醉如泥。黃鶯不入畫
 楊柳。却立海棠花上啼。紅撓綠舫盪清波。露脚斜飛濕芙蓉。回首湧金
 門外望。裏河猶自沸笙歌。差我雲髻簇金鈿。血色羅裙濕曉煙。陌上相
 逢通一笑。第三橋下是奴船。溶溶漾漾碧粼粼。船去船來不礙人。日午
 中官傳上旨。內家宣賜玉堂春。月香水影道梅白。雨色晴光坡柳青。一
 箇銷金鍋子裏。舞裙歌扇不曾停。帝城官妓出湖邊。盡作軍裝鬪畫船。
 奪得錦標權。遺喜金銀關。會賞蟬娟。王孫仗彈打鴛鴦。紅藕花前世界
 涼。獨起蓬窗弄湖水。潛蟻雙眼射金光。芙蓉照水桂香飄。車馬紛紛度

永樂大典卷三十三音

六

六橋。錦慢龍船人似玉。隔花相對學吹簫。六花飛舞似鴉毛。丞相身穿
 御賜袍。不念長安有貧者。下湖打鼓飲羊羔。陳造江湖長翁集同徐呂二
 子遊西湖復次前韻五首。老去胡宜誓酒卮。興來破戒為君持。自今排
 日花間醉。報答春光已後時。林倦金骨闕丘墟。松自蕭森鶴自孤。靈魄
 在天誰傳說。遺書落世仰潛夫。倦祠佛舍碧山邊。扶路逢人有醉顛。火
 急向渠分此樂。徐郎多病我衰羸。醉醺芍藥借春回。似解商量陸續開。
 妾得玄霜着花骨。不交容易染蒼苔。天分天上靈河水。圍作錢塘千頃
 湖。未有風亭花月觀。已誇勝境世間無。步西湖。次韻徐南卿。載酒幽
 尋地。乘閑得再臨。麗黃啼曉霧。魏紫笑春深。撫事揮犀管。他時夢鶴林。心
 期更閒寂。物理付昇沉。楊園騫絕嶺。萬象赴窺臨。坐久嵐霏潤。來時翠
 碧深。鶯花自佳處。魚鼓亦叢林。誰在飛埃外。苦芒付陸沉。山寺曾題竹。
 尋詩記所臨。綠雲俯空曠。捫石探幽深。倦鳥低平野。蕩花下碧林。沙頭催
 喚渡。空水速沉沈。水月春猶淺。携壺記此臨。雲煙澹閑寂。魚鳥媚清深。
 堤路俄人海。侯家或肉林。高樓下金彈。簾影渺深沉。水月越圓石。徐子
 學詩苦。硯池寧暫臨。謀功初願盡。著語遠精深。更積歲月力。儻陪俊美林。
 人生才業地。渠輩分平沉。徐郎小隱處。愛我許迂臨。多運話歲晚。言歸

忘夜深。祛愁倚詩酒。結伴卜山林。更喜檀樂舊。風煙挺綠沉。清明西湖
再次韻。蘇公舊隄東。增築更千步。右為縈回溪。夾以蔥青樹。晴湖映碧
山。詩客獨多助。醉鄉赴新約。書癡悔前誤。况此好清明。酒菜隨意具。向來
計追歡。幾為陰雨阻。今者成清遊。仍免俗于汚。斜陽不無情。似戀花柳住。
春光念報答。裝殘須好句。此筆付此人。遊客半鴛鴦。時朝士多在湖上。
四月望再遊西湖十首。前時小舫冒氣昏。重到輕橈破麴塵。湖面風煙
飽姿態。一番到眼一番新。傑屋脩垣著畫圖。連連勝士逸人居。未聞我
亦無羈束。竹杖芒鞋信所如。疇昔相期襍被來。飯餘歸意類儂排。蘋風
蘿月孤清夜。僅見山間結夏齋。克夫要宿山間。以事不果流。杖挑初日
闌雲闌。忽報克師早下山。羨若譚詩有賢子。免教題鳳帳空還。十字街
頭托孟孟。鴛鴦食口待朝暉。我來欲序睽違意。要問揚州米價無。定結
諸山粥飯緣。每歸留得杖頭錢。穿雲更欲携君去。布水多煩為我先。穿雲
布水俗語。堆青泛碧放船蓬。萬里風前鶴髮翁。絕境滿前官不禁。此身
未省歎塗窮。春光陸續委東流。看到湖邊安石榴。更與蘇堤鷗鷺約。辦
舟來賞牡丹秋。俗曰芙蓉秋牡丹。歌呼浩渺翠霏間。祇苦詩才老坐慳。
安得觀音母陀手。為人千紙寫湖山。橫遠縱徑平如水。無復衝泥傍險

永樂大典卷三千音雷

人。儻使人心盡。包世間何向不通津。是日遊雲庵。庵主包道人。物南
山街。暮過。又暮春泛西湖次口號韻呈程待制十首。客舟日日野芳
前。鷓鴣鳴時始息肩。無絮可漂花可藉。良辰樂事屬明年。湖山引興尚
能長。小貸詩愁放酒狂。蝴蝶應憐落春後。無聊時近綠楊傍。重到西湖
可更回。前年待得水芝開。憑君問取閑鷗鷺。親見跳珠濺客來。幾飯南
山佛老宮。詩昌譚勝每春容。不妨重就山間宿。蔬筍香茶未闕供。何須
復道寫新圖。不用悲歌缺唾壺。巖壑清奇皆我有。利名韉鎖向來無。老
來已謝著書忙。但向清遊訪睡鄉。寄與深師與包叟。可無客枕假雲堂。
行行撫事念前賢。脩竹祠西碧嶂前。不復船歸下雙鶴。空緣酒渴酌寒泉。
已歸觴詠了餘齡。徑自無何到大庭。左界何人與調護。酒星移近少微
星。耀接欄干錦繡筵。欄邊仍泊女郎船。僊欄笑指元貞子。不是詩仙是
酒仙。詩到雙峯自一家。紛紛仙卉雜天葩。幾時共載西湖去。千紙看公
寫物華。易士連詩閑步西湖。西湖風景絕繁華。兩岸荷香十萬家。除却
孤山林處士。後來誰肯種梅花。陳文惠公集有懷杭州西湖一絕云。橋
影飛虹跨碧潭。熙熙亭畔柳毵毵。扁舟載酒漁翁唱。記得閑遊處士庵。自
注云。林君高節不仕。建德湖上。嚴下陳宗之芸居道菴。同毛謹夫。喻可中。

永樂大典

卷二二六四

夜汎西湖 又復移舟踐舊盟。喜隨師友汎湖光。一番雨勢生秋意。幾處
蟬聲送夕陽。亭榭家家增藻飾。星可歲歲曜文章。斷橋白午塘方出。載月
乘風更舉觴。過西湖 鵲巢猶挂三更月。板鷺回一片鷗。吟得詩成
無筆寫。願他春水畫船頭。湖上曲 鞦韆索外闌干側。一曲疑雲花影
直。玉瓶風暖醉忘歸。春水不分楊柳色。黃裳演山集之舟錢塘西湖五首
去留南北須看景。聚散朝昏莫問時。但取紫元百興盡。一身明月是歸期。
歸鷺悠悠一帶長。白蘋紅蓼是家鄉。夕陽臨水閒窺處。此意安知世界
忙。望湖樓上與雲齊。下視銀河一道低。好是水邊歌舞後。綺羅人在畫
欄時。笑出波間千顆軟。蟹從秋後兩螯肥。且呼玉友來相伴。等候蟾光
與夕暉。俄起谷風斜撼竹。驟來時雨碎敲蓬。回頭已見煙雲合。點檢天
邊失數峯。滕元秀詩遊西湖五首 白浪吹船投跨滴。黃塵撲帽走沙河。
若無西湖一愁眼。奈此客中勞悴何。雪寒映湖湖水明。西子淡粧仍淡
顰。不會吳兒底心性。冒寒湖上去尋春。林君廬不存已久。蘇公堤比舊
尤佳。絕憐夾堤柳漸暗。誰見傍廬梅正花。乍來乍去堤邊鷺。似有似無
煙裏山。何人爲展古畫軸。塵暗絲絳濃淡間。豐樂樓頭沸管絃。拍床喚
酒記當年。而今寂寞空欄楯。樓下連漪自宛然。蘇洞詩與曾身仲曹六二

永樂大典卷三言言

干

兄。買小舟遊西湖 貪作安得似偷閑十日紅塵倦。往還實得小舟真。似
葉。敗荷叢底看孤山。西湖早秋 明知有熟不多時。可喜秋清又可悲。
四十九年蓬伯玉。西湖一陣桂風吹。重到西湖 都下重來百事非。故
人相見少相知。絕憐水減西湖瘦。更喜兵強北虜衰。顧慮每懷賢國計。倉
黃猶憶過家時。書生老矣都無用。白捲波瀾入小詩。吳子虛吟噉集西湖
故都日日望迴鑿。錦繡湖山醉裏看。戀着銷金鍋子暖。龍沙忘了兩宮
寒。孫何帥。錢塘柳永作望海潮詞贈之。流播全國。完顏亮聞三秋桂子。
十里荷花。遂起投鞭渡江之心。時詩云 誰把杭州曲子謠。荷香十里桂
三秋。那知卉木無情物。牽動長江萬里愁。南度北歸。留連爲歌舞之場。逆
忘中原。慈表張佖拙軒集遊西湖 夜來雨足半篙水。西湖荷花紛錦綺。
扁舟載酒作清游。香入衣襟風緩起。西湖之景天下無。萬句千言空滿紙。
山依華屋屋依山。湖光渺渺相回環。因思古人比西子。又見今人比賢士。
東坡詩句脫塵凡。不比今人較形似。今時亦自有詩人。毫端無窮契天理。
樓攻媿。此西湖爲賢士 許綸涉齋集六月十五日西湖夜泛。高炳如集客
趙臨安。蟠老致餉。同遊者陳可行。楊少雲。李元德。王順伯。何紹彭。張宗尹。
楊氏子弟。侍僧方興。馬次炳。如韻。西湖著明月。萬象各偃伏。夙昔湖上

永樂大典

卷三二六四

遊齊騎動盈東。未有夜泛詩。此語吾屢宿。則呼縱史。以行遠。請君
紙三過。洗我愁萬斛。行行正作客。在在堪刮目。山光真起予。過雨儼新
精。益戀深幽。疎草庇脩綠。棋聲即風飄。參差自成曲。咄。乍味覺甜。語
能酸。老僧與客忘。諦細榜嚴軸。小立水花淨。一堤良意足。方舟晚興
動。驚人聽回復。薰風散金波。心境兩愁獨。是中有妙句。萬古無管
匱。詩家高書記。前趙今鮑叔。歸來要誰敲。遣餉到林谷。陳榻初解
懸。齊門契仍為不道。大學著。王楊共高躅。陸笑阿戎談。足以倚
凡牘。夫郎更可人。啖蔬如啖肉。而我鬚髮張。形骸愧珠玉。敢逃
清白眼。僅免朱丹黻。明朝軟紅中。清遊夢。應續未嘆。然滯淹。湖
山已收錄。衛宗武詩。錢竹湖招泛西湖。值雨即事。西湖成久別。歲
月不可記。竹君秩豆蓬。扮友集替復。放船及中流。煙靄渺無際。
宛類太極初。混沌但一氣。浩浩雲常浮。蚤蚤雨不止。樓觀列畫圖。
黯淡微茫裏。素粧紅姿態。於此見施子。纔入西陵橋。林巒得近似。
緩步香月堂。循山歷其趾。適倦去何之。千古儼清致。淋漓雨珠倦。
一浴未起聚。然間紅粧。臉霞淚如洗。餘芳襲壺觴。暗腹散襟袂。
十里花柳堤。六橋風月地。暝色壓紅粧。遊履不可至。昌翔度襄湖。
兩山濃滴翠。中有白鳥閑。翩翩自遊戲。樂年阻行樂。謂有公閭第。
棟宇半蒼苔。遺污清清此。興亡成古今。感

永樂大典卷三二六四

五

懷重歎。欵轉施。過城隍。航籌猶未既。風生語笑高。雲過歌聲爽。斯遊屬
陰。樂事亦足紀。何時可重來。風日待清美。陸放翁詩。夜泛西湖示柔
甥世昌。嗟我客上都。忽已見暮春。騎馬出關門。眯眼吹紅塵。西湖為
貴區。山僧多市人。誰令污泉石。只合加冠巾。黃冠更可憎。狀與屠沽
鄰。勸酒肉。氣。吾輩何由親。少須一開散。境寂鷗自馴。舉手邀素月。移舟
采青蘋。鐘從南山來。殷殷浮煙津。鶴髮隱者歟。長歌收釣綸。長冷不
竟名。恨此老病身。明發復擾擾。吾詩其絕麟。閏二月二十日遊西湖
西湖二月遊人稠。鮮車快馬巷無留。梨園樂工教坊優。絲竹悲激雜清
謳。追逐下上暮始休。外雖狂醒樂則不。豈如吾曹淡相求。酒有取具
非預謀。青梅苦筍助獻酬。意象簡樸足鎮浮。尚慙一官自拘囚。未免
走馬從兩騶。南山老翁亦出遊。百錢自掛竹杖頭。與兒輩泛舟遊西
湖。一日間暗陰屢變。逢着園林即歎。非雨泉鬻筍。欲忘歸。楊花正
與人爭路。鳩語遲催雨。點衣。古寺題名那復在。後生識面自應
稀。傷心六十餘年事。雙塔依然在翠微。摩行之省齋集代遊西湖分韻
得香字。永嘉有儒宗。學古源流長。未施經國手。姑館祠撤章。豈惟禮
秩重。正道文教昌。從遊者誰子。秀異推荆揚。潛君春秋學。三傳可束
藏。君章湘中傑。况有今黃香。羣賢集董帷。幸甚同翱翔。吾邦

一何過。石鼓分餘光。生令士氣振。聞者皆激昂。今朝遇封胡。三英璨琳琅。
 永興訪蕭寺。草草羅酒漿。吾儕亦縱史。十駕隨飛黃。亢宗賴季子。未數彦
 道狂。讀禮不敢過。養晦須名揚。旁觀且袖手。代斲塊不城。聊補分韻篇。一
 笑薰風涼。周文璞詩西湖即事。閑看浮鳩棲曲渚。倦隨奔鹿上荒陵。松
 門雨過長廊靜。一架藤花供病僧。陳舜俞集西湖。古山馮仙源。坤輿鑿
 虛境。寶勢相回環。穴闌清倒影。群水人無驚。泛泛華槩並。山上放歌行。不
 少有遺景。誰意注靈波。溉田三萬頃。高趾空存棠。次韻養源避暑西湖
 墻擁千竿竹。簾繁一蕙香。避喧情散朗。懷悲意悲涼。小簾琉璃色。新醅琥
 珀光。夢回聞剝啄。渾欲懶衣裳。元稹詩。美前集劉得之遊西湖詩。勝地
 留連久。西湖得再遊。美衍園畫舫。楊柳護紅樓。風月蘇堤夜。煙雲葛嶺秋。
 買鮮沽美酒。且莫計觥籌。陳宗道詩。寒窓聽雪。水變樓臺月。山圍花柳
 春。宸居一望近。風景四時新。畫舫斷橋聚。清簫夾岸聞。遊人歸去晚。車馬
 鬧紅塵。寧越志。西湖。寧越佳山水。西湖似浙城。桂多天竺子。潮欠海門
 聲。路出林稍轉。橋隨野色橫。從茲倚樓客。無復渡江情。史堯弼蓮華集。癸
 亥秋。陪張丞相遊西湖。和周去華機宜韻二首。天上辭魁柄。拂衣品石
 間。乾坤雙眼靜。日月一身閑。日極朝東水。心懷直北山。應憐沙際馬。亦解

永樂大典卷三千五百

五

向陽關。幸陪雙絕。偶念莽蒼間。楚早經時赤。行雲盡日閑。蕭蕭看脫
 木。悄悄對空山。幾欲兼忘去。江湖獨往還。重題。林端落照盡。湖上遠
 風清。水榭芝蘭室。仙舟魚鳥情。人琴文寂寞。煙月足平生。一泛釣璜處。再
 吟鏘玉聲。春晚飲西湖上。以歸借榻吳山景。和仲通判位。睡起偶作。蓋
 國風好色不淫之意。旅愁底物堪破除。閑出西湖弄妍靡。蒼山為鬢水
 為鑑。煙蓑霓裳秀而綺。興酣劇飲醉如泥。妄意將湖北。西子傍人見之為
 絕倒。謂我愚癡長康似。歸來寂歷竟何得。只有熏熏黑甜美。夢魂依舊過
 西湖。潮怒殷床驚不起。王梅溪家政集。春日遊西湖。山色綠如染。湖光
 清似磨。峯高捧日近。波闊浸天多。瑞氣浮城闕。春光醉綺羅。能將此西子。
 妙句有東坡。詩海會章劉。景文三月十三日過西湖。春風湖上過。數項
 卷瑠瑤。斷岸獨無語。扁舟誰可期。水雲僧有約。鳧鷖莫相疑。一一吾鄉似。
 傷心渡此時。過西湖。湖之名。祀先子諱在昔。荆西五里。臨汾人事迫。
 初喜到西湖。過雪非塵世。和山是畫圖。水消魚欲出。春近柳先蘇。只就亭
 前宿。幽懷不可拘。又。湖上無塵事。重來看舊題。暖風回草木。晴浪浴
 鳧鷖。竹如陰。猶薄清繁勢尚低。放船當月醉早晚。見西溪王志道浪風吟
 葉六月八日。夜步西湖即事。步繞西湖路。荷盤送晚香。歸舟初裹纜。斜

月已侵廊。水外鐘聲香。風前曲韻長。剗然思遠舉。逸興渺難量。劉子澄玉
湖吟。葉會飲西湖。聞黃浦捷。用余制幹韻。湖邊重度夏。風物恍如初。竹
喜兒孫密。花冷姊妹疎。小舟逢寺泊。淡句欠僧書。此樂何從得。淮堧報賊
除。趙孟堅。委齋文編。乙未春。初解漕幕兼職。訪秋壑。西湖探韻得柳字
浮生恍流萍。聚難別易久。經年稀會面。感歎兩執事。佳賓稍翕集。歷落馬
蹄驟。競誇摘錦文。雄騁翻河口。主人金叵羅。頗費黃封酒。環坐松下亭。海
納翁歡受。飲酣氣張王。聯題健揮肘。山凹日斜射。簷額風穿逗。恨無秉燭
遊。以夜繼斯晝。聊追擊韻戲。峻窄互呈闢。分携上木蘭。漾樂樂四首。遙追
飛蓋歸。數徧蘇堤柳。追詠西湖行樂寄傅清叔。聞借侯家宅。湖邊度
夏涼。鐘魚連梵寺。雉堞旁城墻。閑適心無事。清和日正長。藕花雖尚稚。荷
葉自多香。苦笋回餘味。青梅弄半黃。生絹畫團扇。細葛製輕裳。水近風生
座。簷虛月滿廊。龍舟花葉檣。驕馬紫條韉。竟日歌聲沸。通宵水面光。不妨
投轄飲。更稱靜琴張。詩社聯行卷。仙妹學道粧。英遊伴王謝。清夢到羲皇。
曾約陪遊蓋。慚稽動客櫓。憶君成悵望。為我也思量。興度吟成後。憑誰遠
寄將。意多收不盡。事鄙每牽忙。今夕微醺起。中宵捉筆狂。浪吟無次第。聊
表未息忘。和陳魯山社日西湖二首。遠堤千障碧。過雨一田新。並駕

永樂大典卷三章古

重

館中傑。分題湖上春。杯觴同臭味。篇什倍精神。招手羊時過。過歸尚及辰。
海棠料客醉。故作暈微紅。借路山無雨。惜花天不風。揚鏡聯勝士。琢句策
奇功。請罷身何許。晴光蕩漾中。吳禮部集西湖。花柳空濛。春霧滿荷淡。
蕩秋暉。水光山色長好。舞榭歌臺易非任。希夷斯庵集中。澣西湖之集。斯
遠有詩。輟奉同遊一笑。志士不厭朝市喧。幽人終愛山林靜。一生遭遭
為斗食。匪石有懷徒烟烟。今朝結客來西湖。俯然會心塵慮屏。珠官貝闕
同天遊。闌風元圃非人境。留連山色即傳觴。春戀柳陰還繫艇。諸公湖海
氣不除。萬里昂昂羽毛整。豈但笑語同娛嬉。正須樂石相箴警。東坡仙去
今幾時。寥落風煙誰與頌。浪言夏日如許長。樂哉未央等做項。不堪歸騎
催入關。清夢猶應在雲嶺。沈繼祖柘林集。和黃叔萬游西湖韻。城西去
天纔尺五。遊遊從之不脛阻。西湖春水漲舊痕。葡萄盎盎浮春醪。魚成隊
陣影。虛游禽呼反朋聲。樂與船行是處有佳趣。芳草和煙迷斷浦。小橋曲
徑通深灣。疑在闌風與玄圃。花飛猶有半粒存。柳長尚作畫眉嬌。酒中之
仙僅八人。把盃誰是湖山主。樓臺倒影俯清漪。森樹搖風翠交舞。妙處政
自落筆難。安得君房妙言語。只將劇飲餞殘春。一醉忘形到爾汝。黃香可
人招不來。雲煙落紙英詞吐。三年與君已峽游。至今詩名播西土。金華不

生有孺孫。一時紙貴人爭觀。維莫之春作茲游。絕憶蘇仙賦東武。從今風月三千篇。要掃水溪九萬楮。美荷立水更重游。當戒行厨治尊俎。游西湖用中字韻。皇直院高舍人制兼內外文章伯。遠過當年高侍中。見世說。運筆不停池水黑。舉觴未厭酒珠紅。泛舟但仰膺門峻。登峴夫何港輩同。僕以言詩許商賜。詩工寧復恨人窮。史浩節峯真隱漫錄游西湖分韻得要字。儒生紙上爭攻剽。傳癖書癡等貽誚。不然利海競錐刀。或向名場羨華要。紛紛臆穀兩亡羊。說以西湖却頭掉。西湖自倚傾城姿。肯與西施角年少。品題定價有前賢。陳跡班班猶可吊。試因休沐許尋盟。淨洗緇塵一登眺。身疑孤月破浮雲。心逐驚猿走空嶠。野竹萬箇秋聲度。敗荷十里香風妙。凌霄金刹梵仙居。恠石嶙峋餘萬竅。高敷桂子泥新黃。好傍長枝發清嘯。老禪林外熟蹲鴟。雙耳不聞天使召。行行欲問處士橋。路轉忽逢水仙廟。未羞菊葉薦芳馨。一盞寒泉敢先酌。翩翩沙鳥沒蒼煙。紅蓼丹楓舞斜照。急呼艇子汎漪連。正欲波間狎漁釣。同行磊落三數公。嘉此襟期非素料。裝牋吟寫樂游詩。愈使西湖有光耀。伊余同賦却忘言。了知造物工相揀。千古遊人安在哉。城郭山林歸一客。會須象罔得无珠。可免小兒輕侮笑。次韻李知幾國錄游西湖平生林處士。一葉老波光。坐令

水樂大典卷三音密

音

西湖名千古磨蒼蒼。邇來于李于棹。映出茶桑官閣到休日。清淺尋幽香金風度林麓。野艇生微涼。竹閣寄登覽。孤岑水中央。拂石辨奇蹟。哦詩味遺芳。歸來筆不停。醉墨灑淋漓。他時三賢亭。合著君在傍。只恐作霖雨。幽夢通商玉。次韻唐太博重過西湖先封嘉猷紅塵汨汨解窮年。試說西湖思豁然。上下層樓涵倒影。聯翩飛鳥沒寒煙。未須梅萼催詩興。長有春風在日邊。安得扁舟去招隱。雲牕相對聽鳴泉。姚寬西溪集西湖醉歸作湯金門外看春色。水流不盡花枝碧。一番洗雨一番風。墮葉零紅收不得。密房羽客尋芳歇。蝶翎粉盡金翠竭。雲昏草暖天欲迷。日暮楊花散成雪。傾城一醉爭狂蕩。踏歌相誇大堤上。湘妃有意解明璫。桃葉竟誰迎。兩漿東君無情背人去。脉脉那由話裏素歸來。簾幙護殘紅。一夢闌。塔月如霧。韋諱玉堂集和上巳西湖勝遊清明風日戰方酣。朱轂雍容擁旆鬢。火令正嚴。綿上俗。袂遊仍勝會稽巖。馬盤金埒連乾濕。人映穩車帽角攬。湖水綠煙浮醉庵。杏花紅雨拂春衫。公如庾老情非淺。客似淵君調不凡。只恐潁川飛召節。便隨五鳳降緜函。和梅龍圖遊西湖見寄湖上喜明霽。尋春偶嘯倚花多。紅夾馬山遠翠巖。樓水氣煙中合。風光草際溥。都人待千騎。快作謝公遊。朱聖詩上巳陪諸公集西湖今日我上巳樂

永樂大典

卷二二六四

哉天氣新。青春在西湖。湖水綠以勻。諸公乃肯遊。盤殮仍集珍。少縱方外
談。一洗城中塵。喚船若不早。行酒不計巡。姑歎詩欲合。終喜鷗來親。茫茫
天宇間。何地寄此身。共偷一日閑。恐負三月春。送瞻後湖遊。海若從鉤陳。
車駕是日次京口。頗延年有車駕幸京口。三月三日。侍遊曲阿後湖作一首。

六月十五日西湖宿齋。並湖西去望南屏。但見煙雲日日新。山色漸爭
秋氣勢。荷花全露曉精神。洗心用此無邊綠。處世端能不染塵。漸愧西湖
數風夜。從今長作境中人。姚成一雪坡集西湖別雪坡。別了東坡更樂
天。重來薦菊又明年。欲行且止真難去。再泛西湖半日船。又 漸是梅
花雪片時。鴈書底苦趣歸期。須然未賞西湖雪。猶及梅花第一枝。九月
十三日飲湖上。閉門十日厭塵埃。纔見湖光眼便開。最愛平堤楊柳外。
幾舟撐去幾撐來。李忠定公集次韻李似表縣丞出示遊西湖古風二首
迂愚與世違。深眇方自屏。蕭然巖壑心。不與餘事並。澄湖武林西。風物非
塵境。願為境中人。此志久已定。卜居梁谿濱。日沒陸子井。幽夢繞湖山。妙
趣神充領。浮家若雲間。初不費馳騁。招携得佳友。高詠笑匡鼎。富貴如淫
雲。功名真畫餅。且盡季鷹杯。更飽盧仝茗。李侯東南來。曾次涵萬頃。作詩
紀幽尋。句法言可永。念于到山中。天地正悽冷。青鞋踏冰霜。共賞誰復肯。

永樂大典卷二二六四

五

勝遊子先之。吾亦行買艇。李侯嗜學古。餘事皆遠屏。昂昂鸚鵡姿。豈與
凡禽善捧檄。來南州。初識浙江境。尋盟歆吾廬。不待日中定。從容叩所得。
響答如汲井。時方羅俊乂。掌火淹簿領。清秋鷓鴣飛。大道驂騑驛。詞章尤
激昂。筆力可扛鼎。虛堂縱談笑。霜月掛金餅。夜闌言愈微。至味嚼佳茗。古
來會合難。歲月積俄頃。願子謹所之。萬里路方永。吾衰老閑曠。軒冕志已
冷。棲遲丘壑間。此興良自肯。他日來相遇。梁谿尋釣艇。來梅庵大全集伏
承侍郎使君垂示。所與少傅國公唱酬西湖佳句。謹次高韻聊發一笑。二
首百年地闢有奇功。創見猶驚鶴髮翁。共喜安車迎國老。更傳佳句走郵童。
聞來且看潮頭入。樂事寧憂酒斝空。會見台星與卿月。交光齊照廣寒宮。
又 越王城下水融融。此樂從今與衆同。滿眼芙蓉方永日。轉頭禾黍
便西風。湖光盡處天容闊。潮信來時海氣通。酬唱不誇風物好。一心愛國
願年豐。遺風集吳大有曉過西湖詩。曙色溟溟濕縹緲。湧金門下上輕
橈。五更鐘鼓星初沒。兩岸樓臺霧未消。路傍柳洲人語近。山連葛嶺鶴聲
遙。衝寒亦有尋梅客。擁袖騎驢過短橋。趙無咎應齋雜著。馬西湖 曉
來何事到湖西。風急飛紅襯馬蹄。望信只愁秋鴈斷。愛春還恨早鶯啼。山
連樓閣雲容重。水浸欄干月影低。歸棹採菱重惜晚。一聲歌過綠楊堤。王

君實雁軒集西湖會八反。波平煙霽晚風和。船到湖心水沒篙。涼絕不
 知三伏暑。醉酣齊唱八仙歌。賞梅洞口憐和靖。種柳堤邊憶老坡。魚鱗他
 時如共直。好論舊事捲新荷。徐街仲西憲集望西湖呈汪茂南諸公。四
 面垂楊起碧煙。移船交近玉壺邊。鋪排樓觀歸圖畫。收入湖山入管絃。濃
 抹淡粧隨處改。淺顰輕笑逐人便。惜然自得嗟遊女。齊唱菱歌去採蓮。
 酬景仁浩然再次游湖韻。柳堤花岸鎖輕煙。共指仙遊到日邊。水闊天
 光平畫舸。聲清風力遏朱絃。待盃覓酒情方狎。揭鼓催歸興未便。好在重
 門尚開闔。六街燈市有金蓮。重遊用韻呈周召。經時重續斷頭煙。亦
 有新聲到耳邊。病客屢辭千日酒。素娥猶撥四條絃。湖光灩灩秋方韻。鬢
 影絲絲老更便。畢竟青衫為誰濕。儘携紅袖惱重蓮。左帶同官。約許曜
 卿泛湖。以若把西湖比西子。淡粧濃抹總相宜。為韻。分得粧字。共泛蘭
 舟樂未央。不容殘日照殘粧。寧虛醉筆三千首。忍負金釵十二行。兩過軒
 窓消溽暑。風來樽俎借新涼。人間自有揚州鶴。十萬腰纏不計贖。楊簡詩
 侍象山先生遊西湖舟中晉必先周元忠弁。百里平湖十里堤。新蕪舊
 葦綠齊齊。水晶宮裏光風靜。碧玉壺中遠近迷。局外有茶誰解着。口邊得
 句豈須題。流鶯却會幽人意。故向林間亦兩啼。蔡定齋集同顧廣文遊西

永樂大典卷三千五百五

庚

湖。老來多病盡歸休。祇為江山得二留。萬頃澄波環勝境。千峯倒影漾
 中流。十年兩作西湖長。一日同為北牖遊。預約他時官事了。與君重醉百
 花洲。東坡知穎川謝表。兩作西湖之長。周吳初詩陪班提舉怒齋李提舉
 一初。蘇掾史伯達。泛西湖訪山居楊御史元誠宴舟中。伯達有詩次韻奉
 酬。湧金門外玉駝驕。緩拂吟鞭出畫橋。鬢擁雙峯初過雨。鏡涵一水不
 通潮。蘇公堤上柳煙散。和靖亭前梅雪飄。來訪山居楊御史。酒酣歸弄木
 蘭桡。吳仲孚詩送薛沂叔過西湖。寧海山人。數畝松筠種不成。荒壇祭
 別酒頻傾。老天喜負歸鄉志。冷地尋思到世情。日落關河孤鶴遠。夜涼燈
 火小虫鳴。應須趁取黃金在。買宅西湖住一程。晚過西湖。鷺鷥立處
 無秋暑。昨艇行時正晚涼。詩興似山來衮衮。歸心如水去洋洋。經風楊柳
 高偏折。隔浦芙蓉遠更香。俯仰之間易陳迹。未知醉了幾千場。晁冲之集
 和葉甥少蘊內翰重開西湖見寄二首。使君重鑿西湖罷。也復封詩寄
 我來洲上新題花鳥處。苑中舊體柏梁臺。風煙直覺鐘山近。魚鳥渾疑澗
 水開。揮翰玉堂還有日。行春停騎且留杯。又。一麾偃蹇江湖去。五馬
 侵尋觀闕來。就日金坡通漢苑。望雲玉洞斷蘇臺。自迎攬立看人渡。手種
 花行到處開。笑語風流韓別駕。莫令鷓鴣訴餘杯。陸佃陶山集宴西湖用

前韻呈諸公。十項湖光辟盡塵。女郎臺榭占沙濱。杜鵑言語喚爲客。楊柳腰支瘦似人。便擬曲留今夜月。已知虛度去年春。憑君爲伴花前醉。况復香醪特地醇。裕庵先生詩。葉西湖。湖面新開一鏡奩。湖邊十里捲珠簾。芳塵不上凌波襪。春色渾歸賣酒帘。晴幄籠香花冉冉。煙隄漾綠柳纖纖。蘭舟掠水歸來晚。簫鼓聲中月滿簷。鄭居貞詩。西湖次友人韻。呈同遊卜執中。劉士玄。一入湖山興有餘。六橋楊柳澹煙蕪。樓臺掩映凌空界。雲水涵融混太虛。狂客當筵揮綠筆。美人織手贈銀魚。醉歸却笑重遊者。寄語山靈莫謝逋。李洪芸庵類。葉寒食懷西湖去歲遊從。去年寒食醉西湖。山色空濛暮有無。風急落花隨步積。雨昏垂柳要人扶。偶携勝友尋泉石。俱有新詩入畫圖。越絕故人應念我。明年春好會皇都。北山詩。話和吳唐補雲中同遊西湖之作。平生聞說西湖好。眼礙紅塵未得看。款奉親朋今始到。俯臨波浪不知寒。吳鄉把酒人都醉。同道論情我最歡。莫向城頭聽傳漏。且將燈燭照更闌。抄錄雜詩同景舟外史賓王舍人遊西湖十里平湖抱海寬。蘇堤一望思漫漫。群山倒影隨城盡。微雨吹秋入浦寒。畫舫直疑天上坐。彩雲渾在鏡中看。雷峯南去八九寺。多在湖山媚處安。有與衝霧湖頭去。却向城南載酒來。燕子多情先客至。榴花解事向人

永樂大典卷三音書

五

開也。知曲盡湖光惱。每到詩成海思催。金碧數峯秋幾何。并隨殘照落銀杯。又。明月吹笙王子晉。畫船載酒賀知章。向來事業能幾許。如此湖山不一狂。候客斷橋題積雪。放歌曲院把瓊芳。賈生似道廢宅聞秋草。無惟啼鴉怨夕陽。又。柳浪聞鶯秋水渡。竹枝留客木蘭橈。故人海內無雙士。美釀山南第一橋。不是壯遊輕遠首。懶將鄉夢寄歸潮。錦衣公子肯同調。共掃明月雙吹簫。又。剪取新荷作酒觴。人生只合老錢塘。李膺固與林宗並。嚴武焉知杜甫狂。鷗渚魚梁分野水。鳳笙龍管到斜陽。湧金門外烏啼早。事負荷花送月涼。周密澄懷錄。沈西湖。景脩爲余言。往嘗以九月望夜道錢塘。與詩僧可久汎西湖。過孤山。已夜分。是歲早寒。月色正中。湖面渺然如鎔銀。旁山松檜參天。露下葉間。蔌蔌皆有光。微風動湖水。晃漾。與林葉相射。可久清癯。苦吟。坐中凄然而寒。索衣無有。以空米囊覆其背。謂平生得此無幾。吾焉作詩云。霜風獵獵將寒威。林下山僧見亦稀。惟得題詩無俗氣。十年肝鬲湛清輝。韓維南陽集。同士則遊西湖。今日西湖好。來遊未覺喧。柳枝風處亂。花亂暖中繁。橋遠歸人渡。舟移集鳥雛。何須更博酒。道勝有清言。別本作何須博酒。和晏相公西湖。鳴蟬忽以急。夏景晏林塘。不知何山雨。颯然送微涼。荷葉忽翻倒。四散飄暗

香。清渠泱泱流。碧色浸稻秧。零落墜林實。瑣碎開水芳。公未必乘晚。散步
方徜徉。蕭鼓不從後。羊牘常在傍。遊魚自成族。飛鳥不亂行。周覽時景佳。
郁穆發新章。何意遂華士。傳既謬所當。時方苦炎燠。汗下俾且滂。三復大
雅作。清風蕭衣裳。和謝主簿遊西湖 雲陰開剝日光穿。和氣隨風近
酒船。湖面波清渾見底。樓頭山碧似生煙。興長不忍回孤棹。歌懶纔能逐
緩絃。因子樽前話歸計。醉魂先到峴山邊。和張大中館於西湖 湖榭
從來與衆同。况於清宴奉群公。驅車即日趨翔鳳。就館初寒聽過鴻。霜雪
蒲前仍自壯。珠璣落筆不知窮。太平魚鼈今咸若。豈繫區區一老翁。和
晏相公西湖 荷香時傍清樽落。菱蔓遙迎畫舸開。行到東亭莫回首。綠
楊陰外即風埃。和曾令綽資政西湖見貽 虎節嘗三換。琳宮亦再來。
白添新鬢髮。紅識舊亭臺。酒為迎寒好。花應趁暖裁。但愁衰謝意。未到已
思回。西湖雨中。同公懿諸君飲席上得空字 十月平湖上。繁霜藻行
空。柳枝黃墮雨。波面細生風。水鳥飛幽碧。寒花折淺紅。誰能盡一醉。燈火
宿船蓬。張文潛詩西湖三絕句 沙鷺汀鷗盡日閑。水邊風起萬荷翻。客
來莫厭東樓望。樹杪欄干直對山。水上亭臺涼氣多。扣舷倚棹唱吳歌。
何人爲放青蓮出。剪却翻翻一萬荷。一曲清池柳岸風。長苗新稻短蒲

水樂大典卷三千五百

天

葦。功名由命何須問。幸有滄浪作釣翁。萊首順適堂吟。葦湖 相桃深
處五陵家。隄柳陰中百寶車。多是問桃尋柳去。近來山下少梅花。趙崇嶠
白雲小葦西湖 洞府煙霞錦綉叢。車如流水馬如龍。東風爛熳花時節。
也有人行九里松。東魯林表民王漢吟草西湖 十三樓寺朝餐飯。六一
泉亭晚舉觴。千古湖山難摸處。淡煙微雨更斜陽。鄧林性之皇琴曲西湖
高價租船作勝遊。窮通那敢問風流。西湖多少閒春水。不洗中原二。百
州。王炎雙溪集西湖 呼舟特地度西湖。欲訪山中幽子居。山色湖光渾
似舊。人間萬事有乘除。張鑑詩四月上澣日同寮約遊西湖十絕 自得
城隅水北居。西湖幽討句全疎。今朝掩簿抽身出。更向誰邊不一書。清
曉溟濛雨氣濃。出關晴色便蔥籠。層雲特爲詩人喜。添起山頭四五峯。
青龜船小漾漪漣。折得蘋花亦當錢。我自滄洲隔三載。此花風調只依然。
飯餘飛蓋北山來。上苑虛堂柳際開。繫馬林間寧復散。却容拄杖卓青青
苔。賜沐山行策最長。遊人此日却相妨。洞天只得東邊賞。聞過燈花斷
殺腸。夫堤全少露桃紅。獨許垂楊翠拂空。千古蘇仙幾曾死。騎鯨時或
下亭中。芙蓉葦葦展翠纓。六橋分舞燕翎。纖擘船捷出蒼灣去。要看山
圍玉鏡奩。喜逢芻蕘菜苑東。舜絃調處刺黃風。戎葵學得宮衣繡。不作

永樂大典

卷二二六四

人間錦樣紅。秦家招選勝引多。曠懷真語當絃歌。照翻逸駕知難及。乞我扁舟著釣策。豐樂樓前未夕暉。可堪魚鱗限城扉。詩成快向歸時寫。丹墨明朝與興違。鷗渚亭次韻。茂洪西湖三詩。出城猶記四年前。朝看西湖到暮煙。自有南湖相暖熱。可曾頻過六橋邊。蘇堤。老子看山令一工。只憐雲氣不憐峯。擡頭半餉無人說。自向波心汎短篷。塵土奔忙舉世人。無過白白鬢毛新。一奴要撰眼前樂。泉石由來樂校真。又三月望日微雨汎舟西湖四首。清明緩過雨連風。着色湖山便面中。草上踏青人自出。艤船無地不飛紅。非是天慳一日晴。晦明多態屬詩人。雲翻畫樣烘濛濛。墨波捲紋頭起突銀。倭繡簾垂柳外樓。靛粧微露玉搔頭。水平氣象應如此。憶投金明水殿遊。隄樹枝條老更成。豈容他處夏陰清。東風不惜吹芳草。綠蒲搗兒燕子情。林昉石田別業西湖。小舫撐春花浪香。第三橋底弄晴光。陰邊飛起輕鷗片。十里天風舞綠楊。高僧詩酬蘇屯田西湖韻。雨餘殘景照漁家。漁子鳴榔徹郡衙。今夜相呼好垂釣。晚來新雨漲蒹葭。許景衡橫塘集過西湖懷詹致一。憶昨藍輿出城郭。靈芝軒檻共徘徊。故人短棹今天來。斜日湖山我獨來。姜特立詩出西湖至天竺。寶叔山前翠打圍。湧金門外水連漪。出關便有漁謳起。底事公

永樂大典卷二千五百

完

卿都不知釋圓至牧潛集。晚過西湖。水光山色四無人。清曉誰看第一春。紅日漸高絃管動。半湖煙霧是遊塵。北磻禪師集元日送客歸西湖。采筆春消御柳邊。擢歌忽聽未菱船。三賢見說遷居了。只寄梅花問水仙。曾由基蘭墅集西湖夜景。處處芙蓉處處堂。閑行何地不清香。歸舟又趁晚涼急。十里湖光蘸夕陽。周伯弼詩。雋西湖初夏。花飛春減綠陰成。不住風光繞禁城。山寺晚晴蟬欲噪。柳林猶轉數聲鶯。葉紹翁詩。逸小集西湖秋晚。愛山不買城中地。畏客長撐屋後船。荷葉無多秋事晚。又同鷗鷺過殘年。大梁張良臣集西湖晚歸。帖帖平湖印晚天。踏歌遊女錦相牽。鳳城半掩人爭路。猶有胡琴落後船。僧永頤雲泉詩。西湖日暮。渺渺春湖夕。霽浮落花飛燕打。蘭舟遊人半入煙。城去月照笙歌上水樓。僧亞愚江浙紀行集。遊西湖。西湖招提三百六。佳處如春有眉目。一番雨過吞青空。萬頃無波鴨頭綠。望湖樓閣獨自登。煙霏向背攢寒玉。想見襄陽孟浩然。此中有司不容續。道人長坐西山河。骨清氣明韻出俗。久居京闕厭塵土。一夕歸心俊如鷓。明憲爲君研破硯。落筆轉頭風雨速。龍山深處如定居。就被結鄰容我卜。西湖晚泛。蘇堤一帶柳陰長。柳外西風特地狂。晚泊孤舟古祠下。自彈別鶴送斜陽。宋芳庭采芝集。西湖晚望。

大雨初晴睡正長。春蛙鳴遍舊池塘。小亭寂寞斜陽裏。一陣東風過木香。
 熊冕山體梧集送黃愛梅過西湖。梅得名詩書早夢不與梨花同誰歟。
 以桃花序牽引之。迤今草木吾味竹無人愛。菊無人愛蓮無人愛。雪霜質
 質孤山無復年時風致。佳公子尚肯愛梅真哉。醉橫短笛譜一二吟。起喚
 青衣為客歌舞。紫牡丹開競洛豪。春風吹面看栽桃。瓊瑤多少非初服。
 却笑梅花不入騷。朱頂十年去不回。兩峯南北白雲堆。誰人得似黃公
 子。不愛閑花尚愛梅。西湖歌餞楊澤之回杭。余項遊六館與杭之友
 朋交際者多矣。別去四十年。纔把楊德父泛紅依綠之清於冠冕。琵琶山
 水間。又二年復識德父弟澤之。襟懷灑落。尚有前時風致。信知宇宙無窮
 人材何限。惜余老矣。安得見故舊談往昔於其歸也。因作西湖歌以餞之。
 審余疇昔觀古杭。繁華不減開元唐。畫船日日湖山堂。珠翠圍繞沸笙簧。
 西湖西子鬪艷粧。香車寶馬橋綠楊。少年遊冶蕩春光。醉眠羅綺百花芳。
 當時湖上有平章。胡不早為計包桑。一朝擊鼓動漁陽。席卷羽衣與霓裳。
 後來枉費古錦囊。感懷金銅增悲傷。嗟爾何知涕淚滂。身不由己心難忘。
 畫闌桂樹寂無香。土花慘淡月荒涼。綿綿此恨天何長。道逢老翁重傍徨。
 慎勿開口談興亡。潮生潮落錢塘江。且唱陽關舉一觴。和邵思道寄詠

永樂大典卷三十四

三

西湖 畫橋楊柳不勝愁。萬縷千條倦碧流。問着翠華霜日事。人人只道
 好杭州。樓玫瑰先生集同倪正文尚書遊西湖靈芝寺臨西湖倪正文尚
 書曰此湖如賢者別。久再見儼然如昨。感其言而作。舊說西湖比西子。
 君言西湖似賢士。于嗟契闊十五年。一旦相逢祗如此。南山北山兩高峯。
 春波灩灩摩青銅。未能蕩槳窮勝處。倚欄一望開心會。老我掛冠隱田里。
 豈知再見煙連水。少須夏日醉蒲荷。脫屣東歸甘已矣。何澹小山雜著和
 王成之同趙達明遊西湖 只對西湖也自涼。雨餘天更辟商羊。水交秋
 色心田靜。風入山花鼻觀香。別駕慙慙能設醴。吾曹嬉戲且逢場。鳳凰池
 上今文伯猶憶春闈夜。卷長。陳杰白堂存藁重過西湖感事 衣如飛鷲
 馬如狗。二尺錦囊香字宙。車如流水馬如龍。濯龍橋邊次斷蓬。諸公南渡
 亦不惡。百年西湖最行樂。師王園地號山莊。咸曉洞天探水樂。銅鋪珠箔
 錦為茵。玉簫金管歌還雲。曲江三月勢絕倫。此占四時長作春。歲月無情
 留不住。園上送官洞更主。當時一聚冶遊塵。雨打風飄去安所。三間古屋
 餘老梅。千年放鶴歸來暮。泛西湖 百年歲月此池臺。十里雲霞鏡面
 開。青鳥慣含紅旆去。小娃頻採白蓮回。白玉簫吹沸玻璃國。繡轂穿交
 金碧堆。好是太平人自樂。官車咫尺不曾來。西湖 小春好風日湖上

足池臺。彼美少年子。適從何處來。恩光被鞍馬。艷麗照樽罍。今者不自樂。後人誰爾哀。古今詩話。彭來西湖。九里青青十里紅。湖山步步是吟蹤。秋深煙雨朦朧處。不見荷花只見松。中州集。任南麓詩。西湖環武林。澄澄大圓鏡。仰觀湖上寺。即是鏡中影。湖光與天色。一碧千萬頃。堤徑截煙來。樓臺自昏暝。奉使江左。讀同官蕭顯之西湖行記。因題其後。雲煙濃淡費臨摹。行記看來即畫圖。雲夢不妨吞八九。筆頭滴水了西湖。中州元氣秀。灝寄西湖。昔年曾向西湖住。日夕閑行湖上路。東風二月梅花開。香得孤山無著處。六尺瘦藤雙翠屨。眼前物物皆詩具。被人牽挽出山來。荷衣盡為緇塵污。世態翻騰不如故。青鏡無情又衰暮。富貴浮雲何有哉。一盃且樂閑中趣。長江浩浩東南注。夢寐孤山飛不去。若見梅花頻寄音。黃金煉出相思句。別西湖。聞說西湖可樂饒。十年勞我夢中思。湖邊欲買三間屋。問遍人家不要詩。蒲城羅綺照青春。湖上風光日日新。人在畫船泥樣醉。安知西北有兵塵。書生老眼厭風埃。天遣臨安看一回。便是西湖不留客。也曾身到日邊來。中興江湖集。梁李氏。舞鳳翔龍拱帝城。秀涵積水駐川靈。青山樓觀排雲出。畫舫笙歌隔柳聽。撩亂花光浮綺陌。參差馬影繞旗亭。振衣直上南峯頂。誰似盤溪却獨醒。蒲

永樂大典卷三三三

三

陽柯氏西湖樂。雪花滿衣香欲融。王孫白馬金蟠曾。山南山北晚霞紅。須臾直下明珠宮。一樣越羅天水碧。亂插寶花長一尺。王孫大醉信船流。船尾船頭自吹笛。廬陵劉氏。西湖湖上山如畫。三十年前曾客來。飛絮滿城歸未得。江南老却賀方回。江湖續集。雪後復雨過西湖。觸目成幽興。詩吟十數篇。風傾竹上雪。馬度水中天。急雨泔泔日。迎人小小船。更逢清管發。聲到客愁邊。秋日泛西湖。水涼宜照影。與客上湖船。白浪翻紅檝。青山映碧蓮。鳥飛荷葉下。人散柳條邊。煙蓋歸來晚。燈前鶴未眠。西湖會上和趙靖軒韻。不着人間半點愁。每於勝處一凭樓。吟邊只欠林和靖。坐上追思馬少游。棠陰笑染酬薄暮。低眉楊柳拂新秋。酒闌拍掌狂歌舞。自是忘機可狎鷗。江湖後集。宴晚堂。黑雲妬日故要遮。刺得輕紅一縷霞。小雨扶風針水面。蒲葢敲敲起團花。官程未了是敲推。課督無人只自催。不到西湖無半句。西湖瑞合號詩媒。元劉文貞公集。西湖賞歸。悠悠歸思水東流。暫別西湖記此遊。十里煙波明落日。幾家絃管咽清秋。酒郎尚卧垂楊岸。思女應登望遠樓。半醉半醒呼不起。要人扶上木蘭舟。西湖幽賞。湖上風光照日華。湖中煙景儘堪誇。清江滌出五色錦。老藕放開千葉花。香逐風來薰俗骨。影隨波動晃明霞。一樽酒盡山

嘶月醉卧蘭舟不去家。劉靜修集西湖。水竇深藏十畝煙。賣書真欲買
漁船。數椽破屋已自足。四海虛名良可憐。醉後不知清露下。興來擬共白
鷗眠。滌溪謾有當年志。老去而今只愛蓮。貢泰甫閩南集陪僕少監海脩
撰飲西湖。十年不到西湖上。此日重來意倍親。尊酒整陪天上使。畫船
猶待水邊人。題詩香漬箋花舊。度曲聲傳玉樹新。歸醉小樓明月曙。開元
鐘鼓正朝真。陳景仁詩秋晚西湖寄興。落日孤雲弄薄陰。湖亭閒坐悟
昇沉。黃花尚憶田園在。紅葉不禁霜雪深。婁道破琴方有節。微之狂芳本
無心。醉餘轉覺思鄉切。靜看栖鴉集晚林。西湖即事。湖中無日不春
風。古往今來景不同。惟有斷橋西大佛。不知看盡幾英雄。西湖別伏山
村先生。邇來一月留西湖。篇詩時對酒一壺。東馳西騖何區區。客中行
李唯琴書。吟朋來往日不疎。片言投合德不孤。扁舟興盡歸故廬。西風江
上多鱸魚。寒鱸美羨長安道。天涯何處無芳草。寓西湖端午雨中和伏
山村先生詩韻。西湖重午水亭居。座有琴書俗事無。客裏逢時聊對酒。
心中無語不須符。青山愛我舊相識。白首娛親家慶圖。樊欲訪師無謝履。
蒲城風雨阻泥塗。題西湖寓舍二絕。湖山有趣難留客。朋舊無情可
斷金。雨霖水亭秋夜靜。一鉤新月印湖心。波心風起翻翻綠。山頂雲開

永樂大典卷二千五百

五

疊疊青畫舫。醉歸歌吹散。小樓閒坐獨醒醒。西湖閒居。交朋日至壺
無酒。談笑風生座有春。豈只湖山娛俗子。湖山更會惱詩人。寓西湖對
景。長日笙歌笑語聲。樊家畫舸醉湖汀。須臾酒罷人歸後。唯有西山對
我青。西湖晚詠二絕。市井誰家幾少年。紅裙醉裏笑掀天。晚來未忍
輕分袂。睥睨餘尊懶下船。詩書誤我頭先白。湖海誰人眼滿青。欲破愁
城時命酒。不堪酒薄易為醒。陸厚幼壯但語泰定丙寅正月穀旦雲間錢
存畊吳門李士廉松江曹明善泛舟西湖。入靈鷲訪王庭長老。存畊賦木
蘭花慢。余因書其卷末。梅柳爭春風日妍。翠峯深處禮金仙。自慙馮掖
多塵滓。便欲從師學問禪。已酉夏初借浦江吳止翁遊西湖之上。辛亥
夏初余獨因事往。止翁已成古人矣。故寫此慘愴之意。昔年拉友步城
西。水色山光去馬嘶。小僕携榼壺載酒。倦行環宴柳陰低。青茭白鷺驚人
起。綠樹黃鸝教子啼。圓荷點翠浮輕浪。落絮鋪氈掩淤泥。風領閑雲籠岳
塚。雨添新水拍蘇堤。今日重來情慘慘。故人永逝草萋萋。粉牆隱見留詩
迹。記得當時醉後題。唯有湖山青不改。白雲飛去兩峯齊。董嗣杲廬山集
客中懷西湖二首。一日無詩氣運濁。百年有限身更孱。西湖多少好風
月。何時買屋安蕭閒。閒多便可賦詩健。客少應能減酒慙。風雪六橋入

永樂大典

卷二二六四

圖畫。此身可並南山高。杜陵長節後詩。有遠在劍南思洛陽句。子容九江。遠過興國。至後忽動西湖之感。口占實情。得四韻。何當神交。杜陵於夢寐中。必亦一笑也。杜陵曾吟至後詩。我今客遠愁歸遲。蜀中想重洛陽憶。江上亦起錢塘思。地異心同一。今古風餐雪。雲共路岐。西湖何殊瀟橋趣。巫歸乘興無復疑。林清源詩。二月十九借正齋。運司茂之經歷遊西湖。放鶴亭前載酒還。吳娃蕩槳綠楊灣。一番華信笙歌裏。十萬人家煙樹間。風送輕船過兩岸。雲移殘雨入西山。登臨未了催歸去。回首不如白鷺閑。西湖二首。錦綉湖山碧玉天。風流歌舞想多年。無情最是蘇堤月。猶照宮粧入畫船。南朝君相棄東都。換得錢塘十里湖。惹起胥潮千載恨。西湖西子兩忘吳。顧世名梅山集。西湖隄上書所見。湖上相逢幾少年。綠楊陰裏拂柔鞭。傷心頂笠騎驢者。不是襄陽孟浩然。戴表元剡源集送音上人遊西湖并寄鄧善之。聞說西湖也自憐。君遊更傍早春天。六橋水暖初揚柳。三竺山深未杜鵑。舊壁草生尋舊刻。新巖茶熟試新泉。城中詩友須相覓。西蜀遺儒解草玄。劉仁本亦玄集陪丞相宴西湖。南北兩峯青未了。西湖一曲素愁何。玲瓏宮殿嘶戎馬。寂寞樓船掩翠娥。紅錦水雲秋色老。綠漪風露晚涼多。叨陪相府開恩宴。喜報淮夷已倒戈。西湖行

永樂大典卷二二六四

重

春。絲絲楊柳映蘇堤。沙軟風和快馬蹄。千里湖光春雨過。兩峯塔影夕陽低。落花芳草西山路。怪石眠松後澗溪。月下歸來人半醉。滿城燈火鬧香泥。張子淵詩。次句由外史西湖感懷韻。一鞭春入曉蕭蕭。長記尋詩過段橋。花底鶯聲聞送客。馬頭山影欲凌霄。情懷忽爾思前載。風物多應似故朝。踏盡春光生感慨。當年王氣逐虹銷。趙達明詩。太社四月一日招遊西湖。今日清和和又清。王孫領客出都城。好天勝日能多少。三到西湖如一晴。畫舫侵晨繫柳枝。主人生怕客來遲。嬌雲嫩日無風色。幸是湖船好放時。船從詠澤過孤山。徑度瑤瑤一草間。隔岸多情楊柳樹。向人招喚俯煙鬟。御池水滿苑門開。泥帶飛花路帶苔。到得孤山翻作惡。海棠開日不曾來。萍生兒子點珠星。荷捲文書立萬丁。回首南高峯上塔。手中攀得玉玲瓏。橘花如雪細吹香。杏子團枝未可嘗。行到陳朝枯栢處。孤山山背水中央。和靖先生墳已荒。空餘松竹故蒼蒼。王孫自洗鸕鷀杓。滿酌真珠酌一觴。行盡孤山碧四圍。却尋初路得來時。好風借與歸船便。吹近瓊林却不吹。吳景前小泊。風傳太液小荷歌。日麗長楊花影低。閑入苑中啼不歇。恨身不及一黃鸝。蔥蘢晚色正佳哉。苦被歸鞍紫紫催。船壓浮荷沉水底。須臾船過却浮來。給事葛楚輔侍郎余處

恭。二詹事招儲禁同寮。沈虞卿。秘監諭德。允廷之。右司侍講何自然。少監羅春伯。犬着二宮教。及予泛舟西湖。步登孤山。五言。曉雨倚珠屑。吹作空山塵。拂水無落暈。映巖有遮痕。承華兩端尹。嘉招出城闈。一尋沈雲師。借風開畫昏。諸鬟忽脫帽。孤鏡亦捲裊。西湖翳復皎。南山洗如新。舍舟步柳堤。曳杖咏松門。乃是小上林。亦有虎守閭。桂落臘金粟。蓉粧濃繡屏。高堂竹梢上。幽榭荷葉濱。群仙此小憩。呼酒領一欣。秋花隔水笑。笑我墮紗巾。更醺不知善。互嘲還作春。行樂戒多取。况復反羲輪。歸髮几頽玉。那知醉與醒。同岳大用撫幹。雪後遊西湖。早飯顯明寺。步至四聖觀。訪林和靖故居。觀鶴聽琴。得四絕句。時去除夕二日。湖暖開冰已借春。山晴留雪要娛人。昨遊未當清奇在。踏凍重來眼却新。紫陌微乾未放塵。青鞋不惜泥泥痕。春風已入寒蒲節。殘雪猶依古柳根。水壺底裏步金沙。直到林逋處士家。未辨寒泉薦秋菊。且將瘦句了梅花。道堂高絕俯空明。上下躡攀取意行。淨閣虛廊人寂寂。鶴聲斷處忽琴聲。王惲秋澗集西湖。一湖碧水山三面。滿眼樓臺堰一條。只為近年荒廢久。花無容色竹無憀。西湖。西湖三面簇青山。淨拭菱花照翠鬟。滄海月寒龍穴露。彩雲仙去鳳簫閑。無多樓觀猶圖畫。最好風煙近市闌。鄭重綉衣周漕使。畫船

永樂大典卷三千二百四

西湖

春酒待余還。題西湖圖。東南形勢託餘杭。誰辨山谿作國防。踏雪欲尋龍井去。表忠祠下謁錢王。王逢梧溪集。新士達憲。悞道從子惟正。邀飲西湖二首。樓艦圍青幙。官壺絡錦絲。忘形犀首飲。留意鹿鳴詩。十里天開畫。雙峰月上眉。湧金饒夜色。歌吹送行遲。湖山千古勝。富貴一時心。茉莉花浮酒。芙蓉火炷沉。駸文停岸馬。繡羽並沙禽。再度雲回曲。蕭蕭鶴滿林。馬虛中霞外集。西湖晚思。日落湖水黑。衆山生遠塵。船回載酒客。樓倚獨吟人。老態多思舊。時情只貴新。籬邊古梅樹。開謝幾年春。西湖春感。花間院落水邊亭。冠蓋逢迎幾醉醒。柳巷春殘泣蘇小。梨園雲散老秦青。浮浮光景消扶杖。坦坦行藏信出庭。縮項鱸魚元自好。釣槎香舊已晨星。西湖春日壯遊即事并序。延祐戊午春。偶以釣槎之暇。因念西湖春日壯遊。尚歷歷然。眉睫間。光陰幾何。余髮鏗矣。遂成七言二韻詩三十首。以寫幽懷。後我之生。或不我信。儻遺老覽之。則將同一興感焉。逸湖無處避芳塵。疊鼓紅旗彩鷁新。冉冉春雲來不斷。湧金門外踏青人。霍山廟食慶流虹。民物謳歌樂歲豐。七寶社回呈了馬。年年歸路雨和風。南屏山色染春煙。路接高峰社鼓喧。第一橋邊春更好。御舟閑在翠芳園。問誰偏解占風光。飛蓋金鞍白面郎。山北山南遊欲遍。畫船教

集賢堂。瑞煙祠宇隱垂楊。士女穿花語笑香。三十九賢森翠砌。虛舟亭上借傳觴。鏤玉雕瓊簇鬧竿。珠花翠葉樓金藍。東家年少貪遊冶。正值明朝三月三。流蘇兩兩挂船頭。誘額珠簾不上鉤。金宴緩歌家宴靜。午
前先入裏湖遊。紫染春羅窄袖裁。伶人楚楚自恢諧。部頭教奏金娥曲。盡向船棚一字排。笙歌蕭鼓沸春濤。耳目難禁應接勞。院落秋千誰氏女。綵繩擲起過牆高。綺陌遊人隘暖煙。去年時節貴飭天。鄰家兒女歸來晚。買得塘魚折柳穿。萬柳搖金樓畫橋。一清堂外景偏饒。文章太守開華宴。預報龍舟奪錦標。歌妓娉婷畫不成。去年初籍教坊名。新腔翻得梨園譜。喜入玉孫唱未聲。園丁花木巧栴檀。萬紫千紅簇綺筵。折得青梅小如豆。獻來還索賞人錢。抹藍染水翠浮山。堤上亭臺錦綉間。花柳禁人攀折去。要留春色大家看。進餘薇露與流香。散落人間任品嘗。處處旗亭招客醉。大書不是趕春場。玲禽翠羽養雕籠。列向船頭盡不同。憐殺錦鸚偏解語。喚人提挈避東風。激灩春波鏡面平。扁舟賣物往來輕。翩翩鷗鷺翻晴雪。慣聽笙歌也不驚。豪家遊賞占頭船。趕得風輕放紙鳶。手拍絲輪爭上下。時回首看青天。乍暖春衫薄似紗。少年三五自謹諱。醉眠芳草醒來晚。尚覓魚羹向酒家。嬌民技藝也天生。關

永樂大典卷三千五百六十四

畫

巧搜奇事事能。稚子土宜偏劇戲。浪兒黃粟十三層。一路亭臺間酒家。漸看楊柳綠藏鴉。太平官府無民訟。補種沿堤四季花。畫船過午入西林。人擁孤山陌上塵。曾被弁陽模寫盡。晚來聞却半湖春。要囑園丁取折枝。紅桃白李紫薔薇。石函橋畔人煙晚。挑得春光一擔歸。遙看暝色下漁汀。金鴨香消酒半醒。倒轉船頭元有意。檻邊人報放流星。天街夜市已喧闐。半掩城門玉漏傳。籠燭絳紗爭道入。湖心猶有未歸船。秋千罷蹴彩繩低。林館鶯聲白日遲。處處茶寮開似雪。不堪便作送春詩。桃杏移春點碧苔。柳綿飛盡小池臺。憑君莫信啼鶯語。更有花王最後開。送得春歸夏又初。名園不放玳筵虛。只知富足家家事。肯為兒孫教讀書。誰家乳燕掠船過。小小荷錢出水多。梅雨乍晴人病酒。綠陰天氣正清和。慣見升平春復秋。分明往事昔年遊。西林橋外青山色。幾度夕陽人白頭。黃文獻公集三月三日西湖舟中。黃塵奔走魏平生。對客猶稱舊姓名。此事正堪三太息。祇今思負四難并。放舟乍落空濛境。送酒元無窈窕聲。金谷蘭亭嗟已矣。不妨時暫濯吾纓。僧大偉竹牕小。簾西湖夢遶西湖二十年。偶來遊覽興悠然。石從大觀半成佛。梅到咸平始遇仙。欲把六橋歸畫裏。先教十景屬吟邊。山靈似識詩人意。分付幽禽當管絃。高

彦敬房山集同郭祐之。泛舟西湖晚歸。積翠巖隈生白煙。斜暉金碧落
鯨川。偶陪好客留長日。盡取香風入畫船。明日再來休負約。大家歸去莫
爭先。舉頭忽見東山月。更酌清樽酌謫仙。王景初蘭軒集西湖。綠波三
面浸青山。樓閣香圍萬頃寒。蓬島忽驚塵世外。蘭舟如在畫圖間。從來富
貴歡遊處。合作風流鶴壽看。斗米千錢人餓死。近來簫鼓覺聲聞。雲後
遊西湖。湖山明霽雪。逸興生扁舟。一棹入空闊。孤吟消百憂。珠宮映貝
闕。瑤水連瓊丘。我無神仙骨。安得有斯遊。欲起孤山翁。一樽同獻酬。再詠
梅花句。清風動巖幽。高懷寄千載。世事真悠悠。汪濟飯牛策。香閣濟甬以
儒官守選於杭。此遊西湖有詩余欠一行。姑次其韻。西湖本西子。簪珥
散未收。汪子好事人。乃獨畜茲遊。誠不如鳧鷖。脚楫身為舟。於馬與吾神
載驅薄冥搜。煙霧環兩髻。日月懸雙眸。魚紋蹙錦幃。香草蒙茸表。規為大
圓鏡。六合共拍浮。雲光恣速覽。照耀無時休。尤物不解語。與人作伶優。是
中有正色。窈窕河之洲。閔君陶朱公。耦此佳匹儔。同行六七輩。撥擢窮清
幽。並閱古今宙。同泛天人漚。筆札生風雨。談笑輕公侯。不惜連城價。索我
高歌酬。謫余方寸中。一洗萬斛愁。試劾捧心顰。敢貽西子羞。語妙固絕倒。
會勝能再否。願言勗兄弟。相好無相猶。東洲社國美。詩遊杭州西湖。景

永樂大典卷三千二百

美

入西湖便不同。畫橋香細藉花風。短長亭過三天竺。南北峯來九里松。船載笙
歌遊水面。山擎庭館立城中。欲尋和靖吟梅處。踏破蘇隄蘚幾重。王仲賢錄史西
湖。宋高宗渡江駐蹕杭州。乃為錢塘歌舞之地。至理宗朝。實似道作相。家湖上。得西湖四時之景。
今為江浙省府。西湖楊柳屬誰家。立盡旗亭祗暗嗟。惟有釣翁潭不管。一竿

明月伴荷花。僧堂寒集西湖五首。孤山西畔蕩雲東。日照青光紫翠中。
茅屋竹籬成小市。柴門斜插海旗紅。西山煙霧接林齊。林下人煙隔水低。
菰菜蘋花開處好。管絃長送夕陽西。脩言寺邊春水生。竹籬茭岸鳥
飛鳴。過橋野色添新綠。落日風吹釣艇橫。湖山堂上看春回。堤上柔麻翠
作堆。十隻畫船歸去後。白鷗閑颺近橋來。蘇堤柳色半浮空。帶晴煙弄晚風。
十里荷花殘照裏。紅粧翠袂出波中。曹文貞公漢泉集遊西湖。對鬱鬱愁
暑不堪畫船西。出事奇探柳邊和氣蘇。公路梅底清風處。士菴已覺湖山入
骨臆。更容絲竹薦肥甘。錦雲一段三千項。託取平生作感談。貫酸齋詩西湖遊。會
意追遊分主賓。隔蓬別調忽傷神。水邊芳草去時雨。風外落花何處春。紫陌把盞歸
市文。畫橋攜手買舟人。龍香準為湖山賦。重囑西施莫厭貧。龍麟洲詩西湖。西湖
湖上山如畫。二十年前曾客來。飛絮蒲城歸未得。江南老却賀方回。
國朝劉基詩王澗和尚西湖圖歌。大江之南風景殊。杭州西湖天下無。

永樂大典

卷二二六五

浮光吐景十里外。疊嶂湧出青芙蓉。百年王氣散荆棘。惟有歌舞留歡娛。
重樓峻閣如鉛黛。媚柳嬌花使人愛。老僧不善兒女情。故作猶豪見真態。
想其泚筆欲畫時。高視化工如小兒。千巖萬壑吾意匠。夸娥巨靈吾指麾。
却憶往年秋雨夕。畫舫衝煙度空碧。蒼茫不辨雲與山。但覺微風響蘆葦。
須臾冷月迸深霧。時見松杉半昏黑。聞尊命客憚焦桐。扣舷大笑驚海童。
鮫人唱歌魚鱉應。水底影動雙高峯。只今倏忽成老翁。可憐此樂難再逢。
愁來看盡欲自適。誰知感生愁轉劇。顧祿詩題西湖小景。曾買西湖暮
畫船。錦雲香裏醉神仙。如今江海空看畫。事負風流二十年。

永樂大典卷之二千二百六十四

永樂大典卷之三言古

毛